

禮
記
恒
解

禮記恆解卷三

檀弓上

蜀西雙流劉沅輯註

陸德明以檀弓爲魯人不知何據此篇多言孔門弟子蓋亦孔門遺裔所集摘篇首檀弓名篇非必以其知禮而稱之亦非檀弓所記也

公儀仲子之喪檀弓免焉仲子舍其孫而立其子檀弓曰何居我未之前聞也趨而就子服伯子於門右曰仲子舍其孫而立其子何也伯子曰仲子亦猶行古之道也昔者文王舍伯邑考而立武王微子舍其孫臚而立衍也夫仲子亦猶行古之道也

子游問諸孔子孔子曰否立孫

免音問舍音捨居音姬臚徒本反

鄭康成曰公儀蓋魯同姓檀弓往弔公儀始知舍孫之事故趨而就主位以問子服伯子所以免者酌弔朋友之禮從厚

耳其制以麻布廣一寸爲之自項中而前交於額又卻向後而繞於髻史記不載伯邑考逸周書云武王克商自太王太伯及邑考以列升后則伯邑考早卒微子世家亦無脂名伯子爲仲子諱誣稱古人不足信也陳氏祥道曰先王貴適賤庶使名分正而不亂爭奪息而不作立孫者傳重不傳軀也

事親有隱而無犯左右就養無方服勤至死致喪三年事君有犯而無隱左右奉養有方服勤至死方喪三年事師無犯無隱左右就養無方服勤至死心喪三年

父子主恩有幾諫而無犯顏君臣主義有匡教而無阿諛師生恩義兼有而以道合有疑而諫問師必不拒不必犯亦不必隱也有方有定方惟臣事君各有職守故有方父師則否致極其哀禮方比也比於親喪心喪哀戚如父而無服所以然者師非一概各以其道德恩義而喪之若概爲之服反無等級矣

季武子成寢杜氏之葬在西階之下請合葬焉許之入宮而不

敢哭武子曰合葬非古也自周公以來未之有改也吾許其大而不許其細何居命之哭

季武子季孫夙季孫行父之子也劉氏葬曰成寢而夷人之墓處其家於人之墓上杜氏處其先於人之階下皆不近人情非禮明矣大謂合葬細謂哭

子上之母死而不喪門人問諸子思曰昔者子之先君子喪出母乎曰然子之不使白也喪之何也子思曰昔者吾先君子無所失道道隆則從而隆道汙則從而汙汙則安能爲伋也妻者是爲白也母不爲伋也妻者是不爲白也母故孔氏之不喪出母自子思始也

周櫟園曰出母生母也左傳呂相絕秦云康公我之自出子上爲子思之妾所生而嫡母猶在故不得終三年喪是也先

君子泛指孔氏以下非謂孔子與伯魚汗猶殺也視道之所
 在為禮之隆殺非賢者不能疑子土之母或有他故不應為
 服故子思云然此
 所謂隆汗之道也

孔子曰拜而后稽顙顙乎其順也稽顙而后拜順乎其至也三
 年之喪吾從其至者

顙素黨反顙徒同
反順音懇又音畿

孔氏顙達曰拜主人孝子拜賓顙順也顙慟隱貌拜而后稽
 顙先以兩手伏地如常後復引首叩地此從容拜賓之常稽
 顙而后拜先以首叩地卻交手如常則哀
 述不顯為容故曰至也至謂哀戚之至

孔子既得合葬於防曰吾聞之古也墓而不墳今丘也東西南
 北之人也不可以弗識也於是封之崇四尺孔子先反門人後
 雨甚至孔子問焉曰爾來何遲也曰防墓崩孔子不應三孔子
 泣然流涕曰吾聞之古不修墓

識音志泣
胡犬反

陳氏澹曰封土爲壘曰墳古謂殷時古者墓而不墳孔子以己將從事四方故封之以爲易於議別先反而脩虞事門人董其餘功適逢驟雨新土潰崩門人比卽脩完而後反故來遲孔子聞其崩待三而後應流涕言之者不以兩甚之故自寬其罪同言古人謹於封築不俟再脩所以教也

孔子哭子路於中庭有人弔者而夫子拜之既哭進使者而問故使者曰醢之矣遂命覆醢

鄭康成曰瘞中庭也拜弔者爲之主也使者自衛來赴者故謂死之意象醢之者示欲啗食以怖衆覆棄之不忍食接子路於衛爲父母之邦家貧而仕如委吏乘田之流本無可譏者孔理之難旣爲其臣聞難自當往視劇瞋疑其爲劫孔理來者遂以石乞孟照故之子路倉猝不知所以遂被害非初志卽欲死之也夫子聞其死而深痛未嘗以爲非義後儒不知劇瞋當日情事並疑子路愚於論語夫子爲衛君詳辨之茲不贅

曾子曰朋友之墓有宿草而不哭焉

鄭康成曰宿草謂陳根方氏慈曰師猶父朋友相親
猶兄弟以喪父之義喪師則以喪兄弟之義喪朋

子思曰喪三日而殯凡附於身者必誠必信勿之有悔焉耳矣
三月而葬凡附於棺者必誠必信勿之有悔焉耳矣喪三年以
爲極亡則弗之忘矣故君子有終身之憂而無一朝之患故忌
日不樂

鄭康成曰言三日三月欲其盡心脩備之附於身衣衾之屬
附於棺明器宅兆之屬慎終尤爲大事故必竭誠信而勿貽
悔下又申言終身不忘親之故喪禮限於三年而人子之心
實不止此親而亡矣何時可忘故君子終身憂念其親而不
敢遺行以招患忌日不樂又其顯而易見者也不樂無可樂之事

孔子少孤不知其墓殯於五父之衢人之見之者皆以爲葬也
其慎也蓋殯也問於聊曼父之母然後得合葬於防

父音甫慎
休張子讀

如字聊鄰

同曼育萬

少孤孔子三歲喪父也不知其墓謂父方卒時古者墓而不墳魯地葬深至丈顏母以孔子年幼未能記憶墓處者殯於五父之衢埋棺於坎曰殯殯淺而葬深人之見之者皆以為葬實則顏母慎重而未葬也臣母卒孔子更加慎許問聊曼氏之母當曰果否殯葬蓋以葬可不必遷殯則可合葬也既問得實乃遷而合葬於防聊曼氏之母蓋當日與殯事者防山在今曲阜縣東三十里

鄰有喪春不相里有殯不巷歌喪冠不綬

陳氏旌曰冠必有非以貫之以紘繫并順頤而下結之日纓垂其餘於前日緩不緩去飾也

有虞氏瓦棺夏后氏壘周殷人棺椁周人牆置娶周人以殷人

之棺椁葬長殯以夏后氏之壘周葬中殯下殯以有虞氏之瓦

棺葬無服之殯

聖古作卽子栗反娶所甲反長丁丈反殯式羊反

鄭康成曰有虞氏上陶始不用薪火燕日壘饒土治以周於棺或謂之上陶殷人上梓梓大也以木爲之言梓於棺牆枋衣也以栒唯柁周圍如牆要如扇之狀所以飾柁陸德明曰十六至十九爲長殯十二至十五爲中殯八歲至十一爲下殯七歲以下爲無服之殯生未三日不爲殯

夏后氏尙黑大事斂用昏戎事乘騶牲用玄殷人尙白大事斂用日中戎事乘騶牲用白周人尙赤大事斂用日出戎事乘騶

牲用騶

騶力知反騶平
仄兩音騶音原

鄭康成曰夏建寅之月爲正物生色黑大事喪事昏時亦黑戎兵也騶黑色玄黑類殷建丑之月爲正物芽色白日中時亦白爾白色周建子之月爲正物萌色赤日出時亦赤騶騶馬白腹此概論三代所尙之色戎事亦有不盡拘者也

穆公之母卒使人問於曾子曰如之何對曰申也聞諸申之父曰哭泣之哀齊斬之情餼粥之食自天子達布幕衛也繆幕魯

也齊音咨本又作齋恆本又作舒之然反謂之六反暮本又作暮音莫徐音覓終音精徐音齋

鄭康成曰有弊之哭無聲之泣並爲哀也齊爲母斬爲父情同故云情厚曰體稱曰粥朝夕食一盂米故曰食暮所以覆棺穆稱也言子於父母所以自致者貴賤無殊至禮文之末則擇其當用者可也蓋舉一二以概其餘

晉獻公將殺其世子申生公子重耳謂之曰子蓋言子之志於公平世子曰不可君安驪姬是我傷公之心也曰然則蓋行乎世子曰不可君謂我欲弑君也天下豈有無父之國哉吾何行如之使人辭於狐突曰申生有罪不念伯氏之言也以至於死申生不敢愛其死雖然吾君老矣子少國家多難伯氏不出而圖吾君伯氏苟出而圖吾君申生受賜而死再拜稽首乃卒是以爲共世子也

重平聲蓋作蓋共音恭

獻公寵驪姬殺申生事具見左傳言子之志白己無不孝事
安驪姬左傳太子曰君非姬氏居不安食不飽是也傷公之
心公無姬不歡也辭猶告也狐突申生之傳舅犯之父伯氏
鄭康成曰狐突別氏也子驪姬之子奚齊不出而圖吾君晉
語狐突杜門不出是也乃卒殺於新城也詔法敬順事上曰
共按驪姬害申生不過欲其子嗣位耳申生既爲姬所阻不
能自明且本心不以嗣位爲念讓國而逃爲吳秦伯未嘗不
可必死之以陷父於不義非中正之道也特其純愛於親死
而不怨證之曰
共名稱其實矣

魯人有朝祥而莫歌者子路笑之夫子曰由爾責於人終無已
夫三年之喪亦已久矣夫子路出夫子曰又多乎哉踰月則其

善也

已夫音
扶絕句

朝祥旦行祥祭之禮也時行三年之喪者希子故子路以
勸善然朝祥暮歌實非禮也故侯子路出而復正言以明禮
夫人子之思親終身無可釋也三年之喪所以約太過不及
者於中道朝祥暮歌其思親者幾何哉然聖人不深責者亦

衰世之
意耳

魯莊公及宋人戰於乘邱縣賁父御卜國爲右馬驚敗績公隊
左車授綏公曰末之卜也縣賁父曰他日不敗績而今敗績是
無勇也遂死之國人浴馬有流矢在白肉公曰非其罪也遂誅
之士之有誅自此始也

乘去聲縣音元
賁音奔父音父

按左傳魯莊公十年魯敗宋師於乘邱無敗績之事釋文作
馬驚敗而無續字當從之縣卜皆氏也鄭康成曰凡車右勇
力者爲之馬驚公隊而卜國不能禦之故公斥其無勇末微
弱意縣賁父以馬驚由己致故自任無勇而死於敵及國人
浴馬而見流矢乃知馬因中天而驚非賁父不善御
之罪也故遂誅之士之有誅自此始言非禮之常也

曾子寢疾病樂正子春坐於牀下曾元曾申坐於足童子隅坐
而執燭童子曰華而睨大夫之簀與曾子聞之瞿然曰呼曰華

而睨大夫之贊與曾子曰然斯季孫之賜也我未之能易也元起易贊會元曰夫子之病革矣不可以變幸而至於旦請敬易之曾子曰爾之愛我也不如彼君子之愛人也以德細人之愛人也以姑息吾何求哉吾得正而斃焉斯已矣舉扶而易之反

席未安而沒

晚華飯反贊音責與音餘
瞿紀具反革音急斃音契

病疾甚也子春曾子弟子元申皆曾子之子隅坐遜於成人也非睨繪畫美好贊簞席之類正戒童子勿言瞿然曰呼覺而倦於言但聲呼也革急也彼謂童子以德相賜以成德姑息苟安也斃仆也會子未嘗爲大夫而季孫賜以己贊重道其意姑受之可也受之而寢之則或其子弟所爲非曾子本意也但以寢疾故未之能易耳聞童子之言雖疾革必易之而後安造次不離於正

故朱子承稱之也

始死充充如有窮既殯瞿瞿如有求而弗得既葬皇皇如有望

而弗至練而慨然祥而廓然

瞿音句

充克哀慟氣結如窮極無歸也瞿瞿驚顧如親之猶存求之又弗得也皇皇猶悽悽望而弗至痛可知矣慨嘆去日之速廓然益覺親之去遠蓋言孝子未嘗一日忘親之概也

邾婁復之以矢蓋自戰於升陘始也魯婦人之髮而弔也自敗

於臺鮐始也

婁力俱反陘音形臺側瓜反臺音胡鮐音台

邾人呼邾聲曰婁故曰邾婁魯僖公二十二年邾人與魯戰於升陘敗魯師時師雖勝而亦有殺傷魯襄公四年邾人伐鄆魯救鄆侵邾敗於狐臺去繼而紛曰髮復者哀死而招其魂也禮當用衣婦人弔服大夫之妻錫衰士妻麻禮無明文鄭康成謂當是疑衰此記二國失禮之始也

南宮縚之妻之姑之喪夫子誨之髮曰爾毋從從爾爾母屬扈

爾蓋榛以爲笄長尺而總八寸

箱吐刀反母音無從音總扈音戶長直亮反

南宮縚卽南容其妻孔子兄女其姑死夫子教以鑿之制鄭康成曰從從謂太高扈扈謂太廣爾語助辭縚束髮垂爲飾齊衰之縚八寸孔氏穎達曰吉筭長尺二寸此椽筭長尺蓋降吉筭二寸也

孟獻子禫縣而不樂比御而不入夫子曰獻子加於人一等矣

禫大戚反縣音玄比必例反

孟獻子仲孫蔑禫大祥祭名比及也喪除矣而但縣而不樂比可以御婦人而不入此禮之常而人不能爲故夫子賢之加猶過也

孔子既祥五日彈琴而不成聲十日而成笙歌有子蓋既祥而

絲履組纓組音祖

鄭康成曰不成聲哀未忘也十日則踰旬且異旬也孔氏穎達曰凶事用遠日故鄭氏謂踰月異旬意按笙歌已笙而人歌也琴由己謂歌由己樂今自彈不成聲而與人笙歌則成明乎聖人哀禮適中之意孔氏穎達曰絲履白履以素絲爲飾既

辭素祇當用素爲纓末用粗今用素粗爲纓二者皆變吉之
連陳氏註曰蓋者疑辭記者亦得之傳聞故疑其辭是也

死而不弔者三畏厭溺

厭于甲反

明允王制禮以兩行之意見禮不明畏懼而自經於溝瀆輕
身與危以致墜溺而死此皆非正命故禮不當弔然此因死
以戒天生者非
爲有偷誼者禁也

子路有姊之喪可以除之矣而弗除也孔子曰何弗除也子路
曰吾寡兄弟而弗忍也孔子曰先王制禮行道之人皆弗忍也
子路聞之遂除之

子路厚於出祿之姊夫子欲其抑情以歸於中道行道之人
弗忍言人人有此情所以約於中者爲其無太過不及也

大公對於營邱比及五世皆反葬於周君子曰樂樂其所自生
禮不忘其本古之人有言曰狐死正邱首仁也

大音泰上樂音岳下音洛首手

反又

孔氏穎達曰營邱臨淄縣以水營繞故曰營邱太公家在咸陽文武成康陵附近五世反葬蓋其子孫有附太公冢者而非嗣位之人五世則親盡矣凡音之起由人心生而後以鐘鼓管絃宣之禮以達人心之敬言禮樂皆有其本太公本以輔周成王業而封死傍先王其子孫亦傍先王得禮樂之意古人言狐死首必向邱邱者其窟藏之處不忘本者仁也

伯魚之母死期而猶哭夫子聞之曰誰與哭者門人曰鯉也夫子曰嘻其甚也伯魚聞之遂除之

母元官氏也伯魚爲母服父在降服期十一月小祥十三月大祥十五日禫禮祥外無哭者既期猶哭故夫子嘆其甚而伯魚聞之遂除之也

舜葬於蒼梧之野蓋三妃未之從也季武子曰周公諡

孟子曰舜卒於鳴條前人謂鳴條有蒼梧山非今南越之蒼梧也舜巡方而死歸葬鳴條其後世傳零陵有舜塚者亦誤

以爲聖人仁化廣及殊俗皆起士爲冢是也三妃娥皇女英
登此也登此一作癸此均見山海經耐合葬也此言合葬之
禮自古所無季武子
則言起於周公耳

曾子之喪浴於爨室

士喪禮浴於適室此
記曾元等之失禮也

大功廢業或曰大功誦可也

陳氏澣曰業者身所習如學舞學射學琴瑟之類廢之者恐
其忘哀也誦口所習稍暫爲之亦可然稱或曰亦未定之辭
也

子張病召申祥而語之曰君子曰終小人曰死吾今日其庶幾
乎

申祥子張子終終成人之事死漸滅無餘之謂子張以道修
身至是而自信其全歸故召申祥而語之使自勵也

曾子曰始死之奠其餘閣也與

其餘奠之餘物閣度置也始死猶有冀幸其生之意故以所奠之餘閣而俟之不忍遽以死待之也與嘆美而疑其辭言豈徒閣也與先王蓋明詔人子以毋忘親也

曾子曰小功不爲位也者是委巷之禮也子思之哭嫂也爲位婦人倡踊申祥之哭言思也亦然

時有哭小功不爲位者故曾子非之委巷猶曲巷野陋無禮之人也記者因言子思爲哭嫂也爲位婦人先踊而已乃哭以別嫌得禮之意蓋兄弟之妻得相爲服也申祥之哭言思也亦然言思子游之子申祥妻之昆弟其妻亦爲位以哭倡踊而申祥隨之蓋子思與申祥皆無服而其妻皆有服故其爲位也皆妻爲之主而哭踊皆自妻倡之也又按子思無兄弟此云嫂或誤

古者冠縮縫今也衡縫故喪冠之反吉非古也

縫音逢

結纓也衛讀爲橫古制尚質吉冠皆順經而直纓之周制
尚文吉冠多辟積而橫纓至喪冠反如古之吉冠結纓故記
以爲非
古也

曾子謂子思曰伋吾執親之喪也水漿不入於口者七日子思
曰先王之制禮也過之者俯而就之不至焉者跂而及之故君
子之執親之喪也水漿不入於口者三日杖而后能起

曾子自述居喪事以語子思而子思據禮答之蓋聖人不爲
過中之行使人可法而可傳也事師無犯無隱此爲得之

曾子曰小功不稅則是遠兄弟終無服也而可乎

稅他外反

鄭康成曰日月已過乃聞喪而服曰稅大功以上則然小功
輕不服遠兄弟謂相離遠者先王之制禮也因其情而爲之
節文小功疎於大功以上則不必稅然袒免哭踊不廢也春
秋禮衰時人薄於兄弟而執禮不稅之文以爲辭曾子故矯
禮之言以明兄弟之不可不親聖賢因時而爲之
補救有如此非果曾子不達禮意而爲之說也

伯高之喪孔氏之使者未至冉子攝束帛乘馬而將之孔子曰

異哉徒使我不誠於伯高

使色吏反
乘去聲

鄭康成曰使者謂賻賵者攝猶貸也孔氏穎達曰代帛非孔子本意是虛有弔禮也若重遣人更弔彌為不可故嘆之

伯高死於衛赴於孔子孔子曰吾惡乎哭諸兄弟吾哭諸廟父
之友吾哭諸廟門之外師吾哭諸寢朋友吾哭諸寢門之外所
知吾哭諸野於野則已疏於寢則已重夫由賜也見我吾哭諸
賜氏遂命子貢為之主曰為爾哭也來者拜之知伯高而來者
勿拜也

赴訃同惡音烏
夫音扶為去聲

赴告也吳氏澄曰兄弟之喪周禮哭諸寢師喪哭諸廟門外
而此不然蓋孔子所定也孔子惡野哭者而此云所知哭諸
野蓋稍遠於寢門外非郊野無室屋處是也陳氏祥道曰禮
生於人情之所安義起於禮之所末有君子而義以稱之隆

禮以循義則於禮之所未有者皆可適於人情而制之也伯高見由賜故哭諡賜氏爲子貢而來知生者也爲伯高而來知死者也知生者弔而不傷故拜之知死者傷而不弔故勿拜

曾子曰喪有疾食肉飲酒必有草木之滋焉以爲薑桂之謂也滋味也因有疾故不得已而飲酒食肉其於酒肉也必有草木之味焉以爲有疾不甘於食得酒食則如有薑桂耳非遂忘哀而以酒肉爲美也

子夏喪其子而喪其明曾子弔之曰吾聞之也朋友喪明則哭之曾子哭子夏亦哭曰天乎予之無罪也曾子怒曰商女何無罪也吾與女事夫子於洙泗之間退而老於西河之上使西河之民疑女於夫子爾罪一也喪爾親使民未有聞焉爾罪二也喪爾子喪爾明爾罪三也而曰爾何無罪與子夏投其杖而拜

曰吾過矣吾過矣吾離羣而索居亦已久矣

而喪息淚反下喪明喪爾明同女音

汝

明目精也疑女於夫子疑其道不似夫子也未有聞無至孝之稱王充論衡辨子夏無喪明事鍾惺亦謂辭氣不似曾子此事之有無蓋不可知而第以事論曾子有責善之美子夏有受益之誠亦非後人所及也索猶散也

夫晝居於內問其疾可也夜居於外弔之可也是故君子非有

大故不宿於外非致齋也非疾也不晝夜居於內

齊側皆反

鄭康成曰晝居內似有疾夜居外似有喪大故謂喪憂也內正寢之中孔氏穎達曰言君子居處當合於禮

高子舉之執親之喪也泣血三年未嘗見齒君子以爲難

見賢通反

子舉孔子弟子名柴居喪守禮曰執涕淚由悲聲而出血出則無聲悲無聲而淚亦出口泣血孔氏穎達曰大笑露齒本中笑露齒微笑則不見齒未嘗微笑是其泣血三年之實也難難能而可貴也

衰與其不當物也率無衰齊衰不以邊坐大功不以服勤

衰七雷反

當去聲

孔氏穎達曰物謂升縷及法制長短幅數不當物則亂禮無衰而禮猶存也邊坐與人鑲坐不邊坐張子厚曰專席而坐也即大功亦不當以衰服對此明衰之重也

孔子之衛遇舊館人之喪入而哭之哀出使子貢說驂而賻之
子貢曰於門人之喪未有所說驂說驂於舊館無乃已重乎夫
子曰子鄉者入而哭之過於一哀而出涕子惡夫涕之無從也

小子行之

說音脫驂七南反鄉去聲涕音體

舊館人陳氏時曰舊時舍館之主人駕車者中馬爲服旁兩馬爲驂哀孔子哀也過於一哀主人哀也禮以稱情哀則情厚禮亦宜厚子貢疑其過厚而子言涕非無自厚贈固宜非果無端而涕出又說驂以文其哀也鄭康成曰遇見也小子

行之者客行無他物
可易使遂以往也

孔子在衛有送葬者而夫子觀之曰善哉為喪乎足以為法矣

小子識之子貢曰夫子何善爾也曰其往也如慕其反也如疑

子貢曰豈若速反而虞乎子曰小子識之我未之能行也

識式志反

慕哀慕隨親而不忍離疑者疑親之在彼而已不欲還子貢以為不若速反而虞祭以安神夫子善其哀切之誠而不以

為易行也

顏淵之喪饋祥肉孔子出受之入彈琴而后食之

饋其位反

祥大祥也孔子感顏子之沒已久不能無感然禮所以節情也故彈琴散哀而後食之夫三年之喪大祥則已節哀矣况師弟子彈琴而后食記者記孔子厚於顏子之意而非以為禮當然也

孔子與門人立拱而尚右二三子亦皆尚右孔子曰二三子之

嗜學也我則有姊之喪故也二三子皆尙左

拱恭勇反
嗜市志反

拱而尙右拱立而右手在上也凡拜凶喪尙右手吉喪尙左手凶喪大功以上吉喪小功以下姊妹在室期出嫁大功故門人學孔子之尙右而子正之

孔子蚤作負手曳杖消搖於門歌曰泰山其頽乎梁木其壞乎哲人其萎乎旣歎而入當戶而坐子貢聞之曰泰山其頽則吾將安仰梁木其壞哲人其萎則吾將安放夫子殆將病也遂趨而入夫子曰賜爾來何遲也夏后氏殯於東階之上則猶在阼也殷人殯於兩楹之間則與賓主夾之也周人殯於西階之上則猶賓之也而丘也殷人也予疇昔之夜夢坐奠於兩楹之間夫明王不興而天下其孰能宗予予殆將死也蓋寢疾七日而

沒

蚤音早清搖一作道遙蚤紆危反放方兩反禮音

作起也負手曳杖於後示不復用道遙寬舒自適放依也萎病也聖人心與天通天命將盡而自覺之形諸夢寐亦理所常有曾在昨親翁在昨階爲主不忍遽死其親也猶賓之則以神道事之而待如賓客與賓主夾之介乎不生不死之間蓋三王制禮皆有深意而孔子殷後以殷人而享殷禮故知將死也既知其命又言道不果行蓋至死而不忘救世也前人或疑此事非真然生死大事聖人德合神明無不可預知而歌辭盡屬比體不嫌淺露臨死而示弟子以全歸未爲不可也

孔子之喪門人疑所服子貢曰昔者夫子之喪顏淵若喪子而無服喪子路亦然請喪夫子若喪父而無服

鄭康成曰疑所服者以無喪師之禮也邱氏濬曰若喪父而無服所謂心喪三年也心喪者身無衰麻之服心言哀戚之忱三年之間不飲酒食肉不御內時至而哀哀至而哭充充望望至慨然廓然無以異於尙廬之下几筵之側也

孔子之喪公西赤為志焉飾棺牆置娶設披周也設崇殷也綢

練設槐夏也

披被義反

鄭康成曰志謂章識牆柳衣也牆之障柩猶垣牆之障家娶以布衣木如蠶綴柩行夾引棺者孔氏穎達曰恐柩車傾虧而以繩左右維背之此皆周法其送葬乘車所建旌旗刻綉為崇牙之飾此則殷法又綉盛旌旗之竿以素錦於杠首設長尋之旒則夏禮以上諸物大夫士皆得用之門弟子採三代而用之蓋亦體夫子平日損益三代之意而記者記以為法也

子張之喪公明儀為志焉褚幕丹質蟻結於四隅殷士也

褚張呂反

幕音莫蟻魚符反

鄭氏康成曰以丹布幕為褚葬覆棺不牆不娶畫褚之四角其文如蟻行往來交錯蟻結似今蛇文畫陳氏祥道曰殷尚質周尚文子張之時其友矣故門人從質以救其弊孔氏穎達曰公明儀子張弟子亦為曾子弟子

子夏問於孔子曰居父母之仇如之何夫子曰寢苦枕干不仕
弗與共天下也遇諸市朝不反兵而鬪曰請問居昆弟之仇如
之何曰仕弗與共國衛君命而使雖遇之不鬪曰請問居從父
昆弟之仇如之何曰不爲魁主人能則執兵而陪其後仇音求
苦始占
反枕去聲朝直遙反衛
音咸使去聲從如字

凡言仇者無辜被害而有司又不爲理者也市朝非執兵之
處不反兵謂不反取兵仗也衛君命則恐廢君命而不鬪鄭
康成曰魁首也天文北斗魁爲首杓爲末執兵陪其後爲其
負當成之周禮調人掌司萬民之仇凡殺人而義者令勿讐
菴先生慮刑罰或有不中而死者衛寬則有調人以司其事
期於生死不負後世刑罰失中乃多仇恨之事而報怨者衆
若澄其源非明德
以治世不可也

孔子之喪二三子皆經而出羣居則經出則否

先王於師不制服者以師弟道義相親隆殺不齊也若其恩
誼隆而德行備則喪之從厚固所宜然孔子之喪二三子皆
經而出其羣居之友則經出而他適不羣居者則否此孔門
以意制爲此禮而可爲後世師友之法也

易墓非古也

易以
政反

御案易脩治也卽

古不脩墓之意

子路曰吾聞諸夫子喪禮與其哀不足而禮有餘也不若禮不
足而哀有餘也祭禮與其敬不足而禮有餘也不若禮不足而
敬有餘也

禮所以將其哀敬也時人或無其本而徒

文故夫子言此以明哀敬之宜自盡也

曾子弔於負夏主人旣祖塋池推柩而反之降婦人而后行禮
從者曰禮與曾子曰夫祖者且也且胡爲其不可以反宿也從

者又問諸子游曰禮與子游曰飯於牖下小斂於戶內大斂於
阼殯於客位祖於庭葬於墓所以卽遠也故喪事有進而無退
曾子聞之曰多矣乎子出祖者

從去聲與音餘大音扶飯煩晚

反牖早人反填他如字

鄭康成曰夏衛地祖移柩車向外而祭之池陸氏佃曰殯
坎也孔叢子曰埋柩謂之殯肆坎謂之池是也言主人旣祖
已填池矣復推柩還故處而受弓云填池以明柩無可反之
理也孔氏類達曰柩車南出階間旣空故婦人得降立階間
今柩車反還故婦人復辟之升堂至明日乃復還柩向外降
婦人於階間而後行遣奠之禮曾子不便直斥主人失禮而
權辭以答從者且也謂且邊柩將行尚未遠行亦何爲不可
反而越宿從者之疑未釋故又問於子游陳氏謨曰飯於牖
下者尸沐浴之後以米及貝實尸口中時尸在室中牖下南
首也士喪禮小斂衣十九稱大斂三十稱斂者包裏斂葬之
小斂在戶內大斂出在東階末忍離其爲主之位也主人奉
尸斂於棺則在西階矣

從坎於西階之上曰殯

而塗之謂之殯及啓而將遷則設祖奠於祖廟之中庭而後行自牖下而戶內而阼而客位而庭而墓皆一節遠於一節此謂有進而往無退而還也豈可推極而反之乎多猶勝也會子聞之美子游所言出祖之事勝於我所言出祖

會子襲裘而弔子游楊裘而弔會子指子游而示人曰夫夫也爲習於禮者如之何其裼裘而弔也主人旣小斂祖括髮子游趨而出襲裘帶紼而入曾子曰我過矣我過矣夫夫是也

夫音扶下

如字

方氏慤曰掩而襲衣謂之襲裘露而裼衣謂之裼裘以裘在二衣之內故皆曰襲曾子徒知喪事爲凶而不知始死尚從吉故始非子游而終善之也張子疑曾子子游賢者失禮必面相告無私指示人而不告之者又言時禮衰樂崩曾子輩一時行禮猶有不同後世文獻不足尤難行諒矣

子夏旣除喪而見子之琴和之而不和彈之而不成聲作而曰

哀未忘也先王制禮而弗敢過也子張既除喪而見子之琴和之而和彈之而成聲作而曰先王制禮不敢不至焉

見音現子
上聲上和

去聲下
和如字

鄭康成曰見見於孔子記曰祥之日鼓素琴示民有終也先王制禮如此故二子除喪而見各子之琴而二人各損益其性情而順於禮

司寇惠子之喪子游爲之麻衰牡麻經文子辭曰子辱與彌牟之弟游又辱爲之服敢辭子游曰禮也文子退反哭子游趨而就諸臣之位文子又辭曰子辱與彌牟之弟游又辱爲之服又辱臨其喪敢辭子游曰固以請文子退扶適子南面而立曰子辱與彌牟之弟游又辱爲之服又辱臨其喪虎也敢不復位子

游趨而就客位

通敵同
為去聲

衛靈公生昭子郢郭生文子木及惠叔蘭木字彌牟蘭即惠子虎惠子之子也為司寇氏惠子死彌牟廢嫡子虎而立庶子游往弔故為不如禮之服以諷其無禮弔服弁經大如總之經一段而環之今用牡麻絞經與齊衰經同矣麻衰以吉服之布為衰文子初不知其意而辭其重服及子游就諸臣之位猶不悟也子游再不從命文子始覺之乃扶嫡子虎而辭謝子游乃就客位孔氏穎達曰大夫之賓位在門東近北大夫之宗臣位亦在門東而南近門並皆北鄉

將軍文子之喪既除喪而后越人來弔主人深衣練冠待於廟

垂涕洟子游觀之曰將軍文氏之子其庶幾乎亡於禮者之禮

也其動也中

亡無通
中去聲

將軍文子即彌牟也主人文子之子簡子瑕深衣既祥之麻衣制如深衣練冠未祥之練冠非既祥之練冠以死者遷入於廟故待弔於廟自目曰涕自鼻曰洟禮之所無而能折衷於吉凶之間以盡己哀以全弔者之情故子游善之

幼名冠字五十以伯仲死諡周道也經也者實也掘中蠶而浴

毀竈以綴足及葬毀宗躐行出於大門殷道也學者行之冠去聲綴

拙音

幼名生三月而名二十而冠有成人之道故加字五十年尊故以伯仲別之死而加諡孔氏穎達曰士冠禮已有伯某甫仲叔季者彼時雖云伯仲皆配某甫而言至五十直呼伯仲爾此皆周道麻在首在要皆曰經經也者責明哀戚之實非徒文也中雷室中古者復穴而居開其上以取明而兩溜焉故名掘室中地作坎置牀坎上浴尸牀上令水入坎毀竈示不復用且以蠶毀連綴死人之足令直可著屨孔氏穎達曰毀宗毀廟也殷人殯於廟至葬極出毀廟門西邊牆而出於大門行神之位在大門門西邊當所毀宗之外生時出行則爲壇幣告酈告竟車踐行壇上而出使道中安穩如在塋今向毀宗處出仍當踐行此塋如土時之出行也學者學於孔子者

子柳之母死于碩請具子柳曰何以哉子碩曰請弔庶弟之母

子柳曰如之何其弼人之母以葬其母也不可既葬于碩欲以賻布之餘具祭器子柳曰不可吾聞之也君子不家於喪請班

諸兄弟之貧者

碩音石弼又作弱音育

子柳疑即泄柳鄭康成曰其葬之器用何以哉言無其財也弼嫁之也妾賤取之曰買則嫁之爲弼布錢也古謂錢爲泉布言其如泉水流通徧布天下也家於喪藉喪以成家班猶分也此善子柳之安貧守禮

君子曰謀人之軍師敗則死之謀人之邦邑危則亡之

亡亦死也承邦邑危亡言故曰亡君子不輕身枉道非自高也道存而後可以相濟輕於爲人謀迫危敗而後遂其難則非臣節

公叔文子升於瑕邱遽伯玉從文子曰樂哉斯邱也死則我欲

葬焉遽伯玉曰吾子樂之則瑗請前

樂音洛瑗于願切

鄭康成曰文子獻公之孫名扶請前請前行而歸諷其樂此不須去也

弁人有其母死而孺子泣者孔子曰哀則哀矣而難爲繼也夫

禮爲可傳也爲可繼也故哭踊有節

弁卽同禭去聲

弁魯卽邑孺子泣一於哀泣而無節也喪父母固宜哀而哀毀之過反比於不孝子故以禮節之可傳可繼約之於中道而人皆可行也哭踊有節正爲此過哀而恐毀不勝喪者設

叔孫武叔之母死既小斂舉者出戶出戶袒且投其冠括髮于

游曰知禮

古本兩出戶當從之

鄭康成曰武叔公子牙之六世孫名州仇士喪禮卒斂徹帷主人卽括髮袒奉尸俛於堂今舉尸者出戶武叔猶冠而隨以出戶因欲括髮急投其冠匆遽失節之甚子游因其平日好熱否人故反言知禮以諷之

扶君卜人師扶右射人師扶左君薨以是舉

鄭康成曰扶君謂君疾時卜當爲僕聲之誤也僕人射人皆平時贊正君服位者薨以是舉不忍變也師長也游氏桂曰男子不死於婦人之手春秋人君不薨於路寢則爲死不以道故其疾也以在寢在朝之正服位而從君者扶持之薨則外廷之人共治其喪所以防微杜漸致謹於疾病之際也

從母之夫舅之妻二夫人相爲服君子未之言也或曰同爨總

從去聲上夫如字下音扶爲去聲

母黨之服由母而推故從母與舅有服而從母之夫及舅之妻無服二夫人猶言此二人君子知禮之人或曰同爨則爲之總麻服以其有恩而報服之也記此見禮由義起苟當於義理雖先王所未有可以無譏也

喪事欲其縱縱爾吉事欲其折折爾故喪事雖遽不陵節吉事

雖止不怠故騷騷爾則野鼎鼎爾則小人君子蓋猶猶爾縱音提

提音

御案喪事迫易至陵節吉事舒故易怠緩縱則直而密折折則曲而當是也縱緩折折即有猶猶意緩急適中也駢駢鼎鼎又即失中者反形之駢駢粗率鼎鼎怠弛也

喪具君子恥具一日二日而可爲也者君子弗爲也

鄭康成曰喪具棺衣之屬王制六十歲制七十時制八十月制惟絞衿衾冑死而後制陳氏澹曰恥於早爲之畢具嫌其不以久生期其親也

喪服兄弟之子猶子也蓋引而進之也嫂叔之無服也蓋推而遠之也姑姊妹之薄也蓋有愛我而厚之者也遠去聲

此釋儀禮經文之意兄弟之子猶己子也故爲服期以其親故引而進之也嫂叔無服因嫂叔不通問故避嫌推而遠之也姑姊妹未嫁皆服齊衰不杖期既嫁則降服大功以既嫁有夫夫爲妻服齊衰杖期是愛而厚之矣既有厚之者則在我降服大功而從薄蓋欲其修婦道不得不節情殺禮也然有嫁之喪者其父母爲之服大功小功其妻爲之服小功其

子爲之服齊衰不杖期豈有己身立於父母妻子之間而獨同於無喪之人者哉宜服齊衰小功爲是也

食於有喪者之側未嘗飽也

應氏鑄曰食字上疑脫孔子字是也若以爲古禮有是而夫子行之未嘗字殊欠分曉

曾子與客立於門側其徒趨而出曾子曰爾將何之曰吾父死將出哭於巷曰反哭於爾次曾子北面而弔焉

鄭康成曰徒謂客之旅是也其徒以館非己一人故欲出哭於巷次徒所寓之室哭於己之室則不嫌矣士喪禮主人西面其賓在門東北而弔曾子蓋以同國賓禮弔之也

孔子曰之死而致死之不仁而不可爲也之死而致生之不知而不可爲也是故竹不成用瓦不成味木不成斲琴瑟張而不平竽笙備而不和有鐘磬而無簨簴其曰明器神明之也

知去聲味

鄭康成作沫竿音于和
去聲龔音荀籥音巨

劉氏曰之往也謂以禮往送於死者死而卽以死者待之想
然爲不仁死而猶以生者待之味禮爲不知先王爲明器以
送死者竹器無籥緣而不成其用瓦器雖質而不成其黑光
之沫木器櫟而不成雕斲之文琴瑟雖張弦而不平不可彈
也竿笙雖備具而不和不可吹也雖有鐘磬無縣掛之龔虞
不可擊也凡此皆不致死亦不致生以有知無知之間待之
神明之者以神明之道待之也鄭康成曰神明者非人所知故其器如此

有子問於曾子曰問喪於夫子子曰聞之矣喪欲速貧死欲速
朽有子曰是非君子之言也曾子曰參也聞諸夫子也有子又
曰是非君子之言也曾子曰參也與子游聞之有子曰然則則
夫子有爲言之也曾子以斯言告於子游子游曰甚哉有子之
言似夫子也昔者夫子居於宋見桓司馬自爲石槨三年而不

成夫子曰若是其靡也死不如速朽之愈也死之欲速朽爲桓
司馬言之也南宮敬叔反必載寶而朝夫子曰若是其貨也喪
不如速貧之愈也喪之欲速貧爲敬叔言之也曾子以子游之
言告於有子有子曰然吾固曰非夫子之言也曾子曰子何以
知之有子曰夫子制於中都四寸之棺五寸之槨以斯知不欲
速朽也昔者夫子失魯司寇將之荆蓋先之以子夏又申之以
冉有以斯知不欲速貧也

喪爲並去
聲朝平聲

喪謂失位有子問曾子曾問失位之事於夫子乎曾子述已
所聞而有子不信以必求貧朽則非人情也子游美有子能
知聖人之意因述所以爲此言之故乃爲桓魋敬叔言耳非
謂喪死以貧朽爲快也敬叔嘗得罪於定公奔衛衛侯請復
之載其寶以朝中都魯邑名後入於齊爲平陸侯國司空兼
司寇大子攝行相事爲司寇事也將之荆當時有此志耳非

失司冠卽之楚也先之以子夏申之以冉有者聖人不苛於
托足之意雖非爲慮其貧而然然必輕於所適不能行道而
且至飢餓不能出門
戶亦非聖人所出也

陳莊子死赴於魯魯人欲勿哭繆公召縣子而問焉縣子曰古
之大夫束脩之問不出竟雖欲哭之安得而哭之今之大夫交
政於中國雖欲勿哭焉得而勿哭且臣聞之哭有二道有愛而
哭之有畏而哭之公曰然然則如之何而可縣子曰請哭諸異
姓之廟於是與哭諸縣氏

繆音木縣音玄竟
音境焉於虔反

鄭康成曰陳莊子齊大夫陳恒之孫名伯大夫死有訃於他
國之君之禮而無哭之之禮陳氏專齊之權故縣子言古今
事勢不同今日之哭有不得已者哭諸異姓之廟方氏慙曰
哭其非所當哭之人故哭於非所當哭之廟也

仲憲言於曾子曰夏后氏用明器示民無知也殷人用祭器示

民有知也周人兼用之示民疑也會子曰其不然乎其不然乎
夫明器鬼器也祭器人器也夫古之人胡爲而死其親乎

仲憲仲氏而名憲非原思也示民無知者爲其無知故以不
堪用之器送之殷不別作明器而卽用祭祀之器示民有知
爲其有知故以可用之器送之疑者下以爲有知亦不以爲
無知也然三代制禮文質各因其時以適於中非謂無知有
知與疑故曾子不然其說人鬼既殊器自不侔則所謂明器
者固神明之之謂而非死視其親謂爲無知也然則殷純用
祭器之說憲言蓋亦無稽
而所謂均不然可知矣

公叔木有同母異父之昆弟死問於子游子游曰其大功乎狄
儀有同母異父之昆弟死問於子夏子夏曰我未之前聞也魯
人則爲之齊衰狄儀行齊衰今之齊衰狄儀之間也

木依鄭康成
作爲古本齊

哀下有
三月字

鄭康成曰木當爲朱春秋作成衛公叔文子之子其大功乎
疑辭也按家語荀人有同母異父之昆弟死因顏克問於孔
子孔子曰同居繼父則從爲之服不同居繼父且無服況其
子乎是則同居繼父服期而其子可服總麻不同居則無服
矣游夏蓋偶未之聞故此各爲之說又按公叔木之母公叔
文子之妻也何至改嫁此必有誤也

子思之母死於衛柳若謂子思曰子聖人之後也四方於子乎
觀禮子蓋慎諸子思曰吾聞之有其禮無其財君子弗行也有
其禮有其財無其時君子弗行也吾何慎哉

子思侍其母仕於衛而母卒柳若衛人意蓋欲子思豐於禮
而子思晚之時居喪多違禮從奢故子思言有禮無財固弗
行卽有禮有財而時不得爲亦弗行也子思位卑祿薄蓋有
不能備禮之處故云然先儒以子思母爲嫁於衛殆妄也

縣子瑣曰吾聞之古者不降上下各以其親滕伯文爲孟虎齊

衰其叔父也爲孟皮齊衰其叔父也

爲夫
聲

鄭康成曰古謂殷時伯文殷時滕爵爲伯名文孔氏類達曰
瑣縣子名周禮以貴降賤以嫡降庶惟不降正耳而殷世以
上雖貴不降賤上謂旁親族會祖從祖及伯叔之班下謂從子從
孫之流彼雖賤不以亡尊降之猶各隨本族之親輕重而服
之孟虎乃滕伯之叔父而滕伯又孟皮之叔父言滕伯上爲
叔父下爲兄弟之子皆著齊衰是上不降遠下不降卑也
后木曰喪吾聞諸縣子曰夫喪不可不深長思也買棺外內易
我死則亦然

易音

鄭康成曰后木魯孝公子惠伯輩之後買棺之時當令內外
精好平易此孝子當爲之事而木囑其子記者蓋議之也

曾子曰尸未設飾故帷室小斂而徹帷仲梁子曰夫婦方亂故
帷室小斂而徹帷

始死未斂設帷於室不欲人襲之故小斂畢乃徹帷
而仲梁子謂夫婦之哭位未定故帷室失禮意也

小斂之奠子游曰於東方曾子曰於西方斂斯席矣小斂之奠

在西方魯禮之末失也

按蕭小斂畢奉尸俵於堂乃奠於尸當尸右手如其能食者然不欲遽死其親也將大斂乃徹小斂奠設於序西南於西漸神之矣大斂既殯乃設席於輿而奠則直神事之矣曾子謂於西方且言既小斂即可設席以奠矣然此乃魯末俗之失非禮也故記者明之

縣子曰綌衰總裳非古也

綌音陳總音歲

陸德明曰綌粗葛布緇而疏曰總孔氏穎達曰當時失禮多尚輕細有喪者不服麤衰但疏葛爲衰總布爲裳故云非古也古謂周初制禮時

子蒲卒哭者呼滅子皋曰若是野哉哭者改之

鄭康成曰滅蓋子蒲名惟復呼名子皋孔子弟子高柴野哉非之也

杜橋之母之喪宮中無相以爲沽也

鄭康成曰沽猶畧也孔氏穎達曰孝子親死悲迷不復自知禮節事儀皆須相導而此不然故以為粗畧

天子曰始死羔裘玄冠者易之而已羔裘玄冠夫子不以弔

易音

亦

羔裘元冠朝服也養疾者著之死則易之小斂之前主人未成服弔者猶可小斂後則不可弔故夫子有然

子游問喪具夫子曰稱家之有亡子游曰有無惡乎齊夫子曰

有毋過禮苟亡矣斂手足形還葬縣棺而封人豈有非之者哉

稱去聲亡音無惡音烏還音旋縣音元刻作寔

喪具送終之儀物惡乎齊以何為劑量毋過禮不以富而厚喪還葬斂畢即葬不待三月之期縣棺鄭康成曰不設碑緯不備禮也封當為窆下棺也春秋傳作塋人豈有非之不責以所不能也

司士責告於子游曰請襲於牀子游曰諾縣子聞之曰汰哉叔

氏專以禮許人

賁音奔 汰音泰

喪大記有疾病廢牀之文蓋始死置尸於地迨復而不生則尸復登牀襲者斂之以衣也時相沿襲於地司士賁請於子游子游不稱禮而諾之故縣子讓其汰汰利大也賁司上名叔氏子游字

宋襄公葬其夫人醯醢百羹曾子曰既曰明器矣而又寶之

呼醢

今反醢音海 羹鳥弄反

孔氏穎達曰夏專用明器分半以實之殷全用祭器亦分半以虛之周人兼用則實人器而空鬼器襄公百羹既實祭器并明器俱實之故曾子追論而譏之又按宋襄夫人王姬卒在襄公之後而此云葬其夫人豈夫人先卒而後又立王姬夫人

孟獻子之喪司徒旅歸四布夫子曰可也

鄭康成曰獻子魯大夫仲孫蔑旅下士也司徒使下士歸四方之賻布時人皆賁故夫子善其能賁陸氏曰左傳以孫氏

之司馬禮與是家臣
亦有司徒司馬也

讀贈曾子曰非古也是再告也

以車馬助葬曰贈主人受贈而書其人名與物於方蓋已告
神矣及柩將行又於柩前東西面讀之故曾子以爲再告非
也古

成子高寢疾慶遺入請曰子之病革矣如至乎大病則如之何

子高曰吾聞之也生有益於人死不害於人吾縱生無益於人

吾可以死害於人乎哉我死則擇不食之地而葬我焉

遺去聲
革音陟

入聲

鄭康成曰成子高齊大夫國戚伯高父也遺慶封之族革急
也大病死也諱之之詞不食謂不墾耕吳氏澄曰其意慷慨然
不足其言謙
儉可謂賢矣

子夏問諸夫子曰居君之母與妻之喪居處言語飲食衎爾衎苦

反日

家語居處上有如之何子曰五字衎爾下有在喪所則稱其服而已九字當從之陳氏澣曰君母君妻雖皆小君皆服齊衰不杖期然恩義則淺矣故居其喪自處如此衎爾和適之貌

賓客至無所館夫子曰生於我乎館死於我乎殯

賓客朋友也以其至自遠曰賓客生死皆當全其義也

國子高曰葬也者藏也藏也者欲人之弗得見也是故衣足以飾身棺周於衣槨周於棺土周於槨反壤樹之哉

國子高卽成子高成諡也壤封土爲墳樹種樹爲表古聖人制棺槨以全孝子之心周制家人以爵等爲之邱封之度與其樹數蓋表其賢以爲後識于高始因時尚奢而言此非中諱也

孔子之喪有自燕來觀者舍於子夏氏子夏曰聖人之葬人與人之葬聖人也子何觀焉吉者夫子言之曰吾見封之若堂者矣見若坊者矣見若覆夏屋者矣見若斧者矣從若斧者焉馬鬣封之謂也今日而三斬板而已封尙行夫子之志乎哉

燕平

聲與平聲坊音防鬣力頓反

燕人自遠來觀子夏識言非聖人葬人乃人葬聖人耳未必有合於禮也因述夫子言而從其餘者封築土爲墳堂形四方高坊形旁殺平上而長復屋旁廣而卑斧形旁殺刃上而長若斧者上狹刃較上三者易爲功馬鬣鬣鬣之上其肉薄封形似之板廣二尺長六尺築墳之法側板於坎之兩旁繩以約板納土板中築之令土與板平斬所約繩更升板如前築之凡三斬其繩而墳即成行夫子之志儉約之志也

婦人不葛帶有薦新如朔筮既葬各以其服除池視重棺

陳氏澍曰禮婦人之帶牡紼結本卒哭丈夫去麻帶服葛帶而首絰不變婦人以葛爲首絰易去首之麻絰而麻帶不變所謂不葛帶也既絰則男子除絰婦人除帶此斬衰之服也大功以下則卒哭並變爲葛與男子同士喪禮有朝夕奠朔奠月半奠朔奠用特豚三鼎視朝夕奠爲盛朔望有定期薦新無定期然孝子以時申休咻之懷故重其禮如朔奠自天子至於士庶既奠各以其服除衰麻不待主人卒哭之變也池柳車之池也承雷以木爲之承屋水而瀉於地孝子不忍死其親故喪器以生時之具奉之帷荒旣象屋亦設池以象重雷以竹爲之衣以青布於草覆鼈甲之下牆帷之土

君卽位而爲棹歲一漆之藏焉

棹蒲
厯反

棹鄭康成曰棹地棺親尸者棹堅著之言也天子棹內又白木兕革棺歲一漆之若未成然藏焉不令人見虛其棺而不蓋合

其上

復楔齒綴足飯設飾帷堂並作父兄命赴者

楔音屑綴音綴亦音綴

復招魂也楔柱也以角爲柁長六寸兩頭屈曲柱亡人之齒合糊開易舍用燕几綴亡人之足令直易著屨飯舍也設飾

尸襲斂也士喪禮始死設奠即帷堂不待小斂六事一時並作始死孝子悲迷故諸父諸兄代爲命赴

君復於小寢大寢小祖大祖庫門四郊

小寢大寢燕寢正寢也小祖高祖以下之廟大祖太祖之廟諸侯庫門即皋門由近及遠君尊故求之地備也

喪不剃奠也與祭肉也與

剃音駁與乎聲

剃體解之名詩曰或剝或烹祭設尸以象神喪則當死者而設奠介乎人神之間時或不剃而奠故記者言喪不可剃奠也與其必祭肉而後然與疑其詞以明不然也

既殯旬而布材與明器

陳氏謂目布分列而曝乾之也材爲梓之木殯後旬日即治此事

朝奠日出夕奠逮日父母之喪哭無時使必知其反也

人死處於陰奠則以生者待之故朝奠在日出時夕奠及日未沒時哭無時孺慕之忱也或練後奉君命使不得已而出

使必告於親使知其反期皆事死如事生也

練練衣黃裏緇緣葛要經繩屨無絢角瑱鹿裘衡長祛祛楊之

可也

練音倩緣音願要平聲絢音

孔氏穎達曰練小祥也小祥著練冠練中衣黃爲中衣裏正服不可變中衣非正服但承衰而已故小祥爲之黃袷裏練淺絳色緣中衣領及袷緣也頌緣用練明其外除故飾見於葛要經者小祥男子去首絰惟餘要葛也繩屨者父母喪營屨卒哭薨則屨小祥繩麻屨也絢屨頭飾也瑱所以充耳以角爲之微飾也冬時吉凶衣裏皆有裘吉時則貴賤有異喪時則同用大鹿皮爲之小祥之前袷狹而短袂又無袷小祥稍飾故更橫廣又長之且爲袷袷袖口也楊裘上加衣也明小祥時外有衰喪內有練中衣中衣內有楊衣楊衣內有鹿裘鹿裘內自有常著楊衣也

有殯聞遠兄弟之喪雖總必往非兄弟雖鄰不往

陳氏滂曰三年之喪在殯不得出吊然於兄弟則恩義存焉故雖總喪兄弟之異居而遠者必往若非兄弟則雖遠不往

所識其兄弟不同居者皆弔

所識所交知之人所知者死其兄弟不同居者皆弔所以全恩舊也

天子之棺四重水兕革棺被之其厚三寸槨棺一梓棺二四者

皆周棺束縮二衡三衽每束一柏椁以端長六尺

重平聲

水牛兕牛之皮耐溼為被體親身之棺厚三寸二者合為三寸槨棺即槨也亦耐濕故次於革槨棺之外有屬棺屬棺之外有大棺屬棺大棺並用梓四者皆周四重之棺上下悉周而也古棺木無釘惟用皮條束之直束者二道橫束者三道陳氏澠曰衣之縫合處曰衽以小要連合棺與蓋之際故亦名衽先蓋木置衽然後束以皮每束處必用一衽故云衽每束一也端猶頭也梓以柏木之頭為之其長六尺

天子之哭諸侯也爵弁絰紼衣或曰使有司哭之為之以樂

食

紼一作纊一作純

御案紼服卽總衰也服問公爲卿大夫錫衰以居出亦如之則天子爲諸侯總衰以居出亦如之矣特當事弁經不當事弁而不經春秋王室申時且有弁而哭者故記者因記之君爲臣弔服既葬除之諸侯五月而葬王使人會葬則未葬以前皆不以樂食也

天子之殯也敢塗龍輅以棺加斧於棹上畢塗屋天子之禮也

敢才官反

輅音春

殯時用輅車載柩而畫轂爲龍曰龍輅敢叢也叢木以周龍輅而四面塗之如棹之形故曰敢塗龍輅以棹也斧繡覆棹之衣爲斧文也先敢木周棺如棹形而上猶開也以棺衣從棹上入覆於棺上然後盡塗之而四注爲屋以覆之此惟天子然也

惟天子之喪有別姓而哭

御案周之宗盟異姓爲後故哭同姓先異姓後庶姓尤後若諸侯則子入卿大夫序而哭不分同異姓矣

魯哀公誅孔邱曰天不遺耆老與相子位焉嗚呼哀哉尼父

去相

聲父

音甫

稱美死者之行曰誄稱孔邱者君臣之辭相助也父字也丈夫之美稱尼父因其字而尊之

國亡大縣邑公卿大夫士皆厭冠哭於大廟三日君不舉或曰

君舉而哭於后土

厭于葉反大音泰

國亡軍敗失地也厭冠喪冠盛饌而以樂侑食日舉應氏饗曰哭於太廟傷祖宗基業之所損哭於后土傷土地之腹削不舉自貶損也曰君舉者非也

孔子聽野哭者

惡去聲

陳氏澹曰哭所知於野必設位而帷之以成禮此或郊野之際道塗之際哭非其地又且倉卒行之使人疑駭故惡之也未仕者不敢稅人如稅人則以父兄之命

四十日強仕未仕者三十以下爲人子弟者也稅遺於人人
子不專家財卽不得已而遺人必稱父兄之命以將之
士備入而后朝夕踊

孔氏穎達曰君喪羣臣朝夕哭踊嗣君雖先入卽位哭必待
諸臣皆入列位畢後乃俱踊士卑最後故舉士入爲畢也
祥而縞是月禫徙月樂樂音岳

孔氏穎達曰祥大祥也縞冠素紕大祥
日著之既禫之明月然後可以作樂

君於士有賜帑帑音亦

天子之喪帷幕帟俱供在旁曰帷在上曰幕帟在幕及帳中
坐土承塵帳帟皆以繒爲之士則第有帷君賜而後有帟大
夫以上則幕
人供之矣

禮記檀弓卷四

檀弓下

蜀西雙流劉沅輯註

君之適長殯車三乘公之庶長殯車一乘大夫之適長殯車一

乘

適丁慈反長乘並去聲

若公一也因適長君之繼體故言君庶長皆公子故沅言公遣車者柩將行遣奠取棺常臂屬折之為段用此車蓋之以造送亡者如藁置於椁中之四隅其數貴賤不同殯未成人未有爵命車馬之賜而得遣車者其父有之得以與其子也十九至十六為長殯十五至十二為中殯十一至八歲為下殯

公之喪諸達官之長杖

長上聲

達官尊顯而名達於上也其長受君恩厚故杖餘則不杖

君於大夫將葬弔於宮及出命引之三步則止如是者三君退

朝亦如之哀次亦如之

朝直廷反

宮葬宮也禮弔於葬者必執引君命不親執故命人代爲之
出出殯宮門也君三命引車以致其隆誼而後退或君弔而
當柩朝廟之時亦如是或已出大門至哀次亦如之哀次者
死者平生待賓次舍之處孝子至此而哀暫停柩車故曰哀
次

五十無車者不越疆而弔人

五十始衰不以筋力爲禮越疆
道達弔人哀戚恐增衰惡也

季武子寢疾螭固不說齊衰而入見曰斯道也將亡矣士唯公
門說齊衰武子曰不亦善乎君子表微及其喪也會黜倚其門

而歌

螭音矯
說音脫

鄭康成曰季武子魯大夫季孫夙也強且專政螭固能守禮
不畏之武子無若之何佯若善之表微明也黜字音會參父

倚門而歌明已不與是也然季武子卒在昭公七年孔子方十七歲曾皙少於子路時止六七齡耳未必有倚門而歌事此殆傳聞之誤也

大夫弔當事而至則辭焉

事謂大小釵及殯之事辭鄭康成曰告也
殯者以主人有事告卽此明當事之重也

弔於人是日不樂婦人不越疆而弔人行弔之日不飲酒食肉焉弔於葬者必執引若從柩及壙皆執紼

樂音岳壙音弗

陳氏澣曰不樂不飲酒食肉皆爲餘哀未忘婦人無外事故不越疆而弔車索曰引棺索曰紼孔氏穎達曰執紼用人貴賤有數若其數足寡餘之人散行從柩及壙下棺之時則不限人數皆執紼也

要公弔之必有拜者雖朋友州里舍人可也弔曰寡君承事主人曰臨

鄭康成曰拜者往謝之也雖朋友州里舍人謂無主後承事
言來承助喪事稱寡君弔異國臣之辭臨謝君辱臨具喪也
君遇柩於路必使人弔之大夫之喪庶子不受弔

遇柩不期而遇之也必使弔之仁也若有爵之喪
則當弔於其家庶子不受弔爲有適子者言之

妻之昆弟爲父後者死哭之適室子爲主袒免哭踊夫入門右
使人立於門外告來者狎則入哭父在哭於妻之室非爲父後
者哭諸異室

哭之適室以其正也子哭者之子凡哭哀必踊踊必先袒袒
必先免夫卽哭妻兄弟者猶妻兄弟之喪故言夫來者來弔
於己家者告之告以所哭之由明爲主在子不問己也若弔
者與妻昆弟狎習則入哭父在哭於妻之室不以私喪干
也異室非正寢
亦非妻室也

有殯聞遠兄弟之喪哭於側室無側室哭於門內之右同國則

往哭之

鄭康成曰哭於側室嫌哭殯也同國往哭親親也異國則否以己有喪殯不得往也

子張死曾子有母之喪齊衰而往哭之或曰齊衰不以弔曾子曰我弔也與哉

御案曾子於子張誼若兄弟不容不往哭又不可釋服而往故卽以母服往哭之然哭以傷之非弔也故曰我弔也與哉
有若之喪悼公弔焉子游擯由左

悼公魯哀公之子君弔於臣升降皆自阼階臣不敢有其室也擯爲主人導君以入由左自阼階也臣不敢爲君賓故導君由阼階入

齊穀王姬之喪魯莊公爲之大功或曰由魯嫁故爲之服姊妹之服或曰外祖母也故爲之服

穀音告

鄭康成曰穀當爲告聲之誤也王姬周女齊襄公之夫人卒而赴告於魯其初由魯嫁故莊公爲之服禮爲嫁姊妹服大功或人之言是也而或又以爲外祖母則非蓋王姬莊公舅之妻也記此見當時禮衰議者各爲之說

晉獻公之喪秦穆公使人弔公子重耳且曰寡人聞之亡國恒於斯得國恒於斯雖吾子儼然在憂服之中喪亦不可久也時亦不可失也孺子其圖之以告舅犯舅犯曰孺子其辭焉喪人無寶仁親以爲寶父死之謂何又因以爲利而天下其孰能說之孺子其辭焉公子重耳對客曰君惠弔亡臣重耳身喪父死不得與於哭泣之哀以爲君憂父死之謂何或敢有他志以辱君義稽顙而不拜哭而起起而不私子顯以致命於穆公穆公曰仁夫公子重耳夫稽顙而不拜則未爲後也故不成拜哭而

起則愛父也起而不私則遠利也

重平聲喪去聲與音預稽音啓顯當作羈夫音扶遠去聲

鄭康成曰獻公殺其世子申生重耳辟難出奔在翟秦穆公使人就弔之於斯謂在喪代之際也喪謂失位孺稱也勸其反國意欲納之舅犯重耳之舅狐偃字子犯因以爲利欲反國求爲後是利父死也說猶解也他志謂私心于顯公子繫也孔氏穎達曰凡喪禮先稽顙而後拜故云不成拜不私與使者言無私心反國是遠利也陳氏澠曰爲後者成拜所以謝弔禮之重今公子以未爲後故不成拜愛父哀痛其父愛父遠利皆仁者之事故稱之曰仁夫公子重耳

帷殯非古也自敬姜之哭穆伯始也

鄭康成曰穆伯魯大夫季悼子之子公甫靖敬姜穆伯妻文伯歐之母也禮朝夕哭不帷張氏逸曰敬姜早寡晝哭以避嫌表夫之遠色帷殯亦以避嫌也雖非古而實有合於禮故記之

喪禮哀戚之至也節哀順變也君子念始之者也

自此以下至孔子善嚴總論孝子遭喪所爲哭踊復餽飯舍重主殯葬反哭虞祔等事而此則論哭踊有節也言喪乃哀

戚之至情而先王制禮以節其哀者順其至情以漸變而輕減之如三月變食粥爲蔬食期年又變爲菜果大祥而食鹽醬之類鄭康成曰始猶生也念父母生己不欲減其性

復盡愛之道也有禱祀之心焉望反諸幽求諸鬼神之道也北面求諸幽之義也

父母有疾禱祀五祀死而招魂復魄盡其愛親之道望其從幽而反猶然禱祀之心求諸鬼神以冀其生也北面禮復者升屋北面郊其所從來也

拜稽顙哀戚之至隱也稽顙隱之甚也

鄭康成曰稽顙者觸地無容隱痛也孔氏穎達曰就二事之中稽顙尤爲痛甚

飯用米貝弗忍虛也不以食道用美焉爾

飯上聲

陳氏澣曰賁米與貝於死者口中不忍其口之虛焉此不是用飲食之道但用美潔之物以實之鄭康成曰尊之也食道

襲米
貝美

銘明旌也以死者為不可別已故以其旗識之愛之斯錄之矣

敬之斯盡其道焉耳

識音志

陳氏濂曰士喪禮銘曰某氏某之柩初置於簷下西階上及為重畢則置於重殯而卒塗始樹於碑坎之東彭氏曰明旌者神明之也有旌則可識可識則可別

重主道也殷主綴重焉周主徹重焉

重平聲

馬氏晞益曰始死未有主以神明為不可一日無依故作重方氏慤曰始死而未葬則有柩矣有柩而又設重所以為重重設於始死之時主立於既虞之後重非主也有主之道則殷雖作主矣猶綴重而懸於廟不恐棄之也周既作主重遂徹而埋於土不敢瀆之也

奠以素器以生者有哀素之心也唯祭祀之禮主人自盡焉爾

豈知神之所饗亦以主人有齊敬之心也

齊側皆反

孔氏穎達曰奠謂始死至葬之祭名以其時無尸置奠於地故謂之食器用素器所以表主人有哀素之心也愚按唯祭祀之禮以下推論哀素之心言即既葬後祭祀之禮亦惟其心之自盡既以神明奉之神之所饗人豈能知之亦以主人有齊敬之心則庶或饗之也極言此心之要如是

辟踊哀之至也有算爲之節文也

孔氏穎達曰撫心爲辟踊踊爲踊鄭康成曰算數也孝子親親之至而辟踊本無庸算也先王恐過哀而毀或不及而窮哀故爲之算若士三日而殯三踊襲與小斂大斂各一踊者其禮也然爲之制禮如是特以節其過文其不及亦未可拘拘然也

袒括髮變也愠哀之變也去飾去美也袒括髮去飾之甚也有所袒有所襲哀之節也

孔氏穎達曰袒衣括髮形貌之變悲哀愴恚哀情之變于其
吉時服飾是去其華美也而袒括髮尤為甚哀應常袒而有
所袒有襲時者明哀之服
節也哀甚則袒輕則襲

弁經葛而葬與神交之道也有敬心焉周人弁而葬殷人冪而
葬

居喪冠經衰純凶至葬時則素弁首經用葛而要帶仍用麻
蓋以既葬則父母之靈得天地之氣而益壽以神道祀之故
不用純凶服也有敬心焉非但破親敬親之得所而神也其
康成曰周并殷冪俱象祭冠而素禮同也

歆主人主婦室老為其病也君命食之也

為去聲
食音嗣

孔氏穎達曰主人亡者之子主婦亡者之妻室老家之長相
親喪三日之後此三人皆不應食粥者而為其病故君命食
疏食言此則凡有
疾居喪可知也

反哭升堂反諸其所作也主婦人於室反諸其所養也

養去
聲

陳氏澣曰此堂與室皆謂廟中卒室而歸乃反哭於祖廟其
二廟者則先祖後禰所作者平生祭祀冠昏所行禮之處所
養者所饋食
供養之處

反哭之弔也哀之至也反而亡焉失之矣於是為甚殷既封而

弔周反哭而弔孔子曰殷已慤吾從周

封之為之

反哭有弔禮主人哀思極至之時蓋反而痛緇之亡無可復
得其哀為尤甚弔者弔其哀而已若既窆而即弔在墓所不
能行禮故孔子以
為太慈質而從周

葬於北方北首三代之達禮也之幽之故也

鄭康成曰北方函北也孔氏穎達曰葬於北方及北首者鬼
神尚幽闇往詣幽冥故也殯時仍南首者孝子猶若其生時
不忍以
神待之

既封主人贈而祝宿虞尸

封讀

鄭康成曰贈以幣送死者於虞也虞禭祭也孔氏穎達曰葬已下棺主人以幣贈之時祝先歸宿戒虞尸陳氏澠曰虞猶安也葬畢迎精而反日中祭之於虞宮以安之吳氏澄曰虞不筮尸擇可爲尸者宿之

既反哭主人與有司視虞牲有司以几筵舍奠於墓左

舍音程

周人尙赤大事用日出故朝葬葬畢主人反哭卽與有司省視虞牲他有司以几筵釋奠於墓左以禮地神便主人早歸虞祭也

反日中而虞葬日虞弗忍一日離也是日也以虞易奠卒哭曰成事是日也以吉祭易喪祭明日祔于祖父

反主人反也承上言主人適反日中而虞所以必於葬日虞者弗忍一日離親故祭以安其魂氣使有所歸也喪禮有奠無尸虞爲尸以祭不徒奠矣然猶有喪禮存必至卒哭而後成爲祭之事卒哭在虞祭後見士喪禮是日卒哭之日卒哭之祭乃爲吉祭卒哭之明日祔于祖父祔之爲言附也祖父死者之祖父孫祔于祖父祔同也

其變而之吉祭也比至于祔必於是日也接不忍一日未有所歸也

承上文言喪禮變而之言祭以至於祔必由葬日接連從事者不忍死者一日無所歸也

殷練而祔周卒哭而祔孔子善殷

殷練之次曰乃祔周人雖於卒哭之後祔然祔後練前有朝夕哭吳氏注曰朝夕哭者孝子哀親之不存而哭非謂其時之在此而哭然孔子善殷者鄭康成曰期而祔之者人情也是也

君臨臣喪以至祝桃茢執戈惡之也所以異於生也喪有死之道焉先王之所難言也

鄭康成曰桃鬼所惡茢菰可掃不祥君臣生死同誼不以其死而惡之也惡之非惡死者惡其凶穢之氣因而死者也御案曰桃茢執戈正釋人疑畏之心而使君得盡其愛盡禮於臣是也難言謂幽鬼之道

喪之朝也順死者之孝心也其哀離其室也故至於祖考之廟

而后行殷朝而殯於祖周朝而遂葬

朝直達反

孔氏類達曰朝將葬以柩朝廟也人子之禮出必告反必面今將葬以車載柩而朝於廟是順死者之孝心也陳氏禮曰死者之心亦必自哀其違殯寢處之居而永棄泉壤之下亦欲至祖考之廟而訣別也孔氏類達曰殷人尚質敬鬼神而遠之死則為神故朝而殯於祖廟周尚文親雖亡不忍即以神事之故殯於路寢及朝遂葬

孔子謂為明器者知喪道矣備物而不可用也哀哉死者而用生者之器也不殆於用殯乎哉其曰明器神明之也塗車芻靈自古有之明器之道也孔子謂為芻靈者善謂為備者不仁不殆於用人乎哉

孔子言占之為明器者知喪道也雖備物而不可用若竹不成用瓦不成味之類是也若後世竟以生者之器則可哀矣

不幾於用人以徇之哉蓋曰明器所以神明之明死者異於生人若以泥爲車以草爲人自古有之累朝而已原不失爲明器之道若以木爲人設闕而能踊跳名之曰俑則太似人形矣故孔子謂其不仁而以爲養發用人以殉矣蓋後世漸趨於下至以人徇葬故孔子推其漸而哀之

穆公問於子思曰爲舊君反服古與子思曰古之君子進人以禮退人以禮故有舊君反服之禮也今之君子進人若將加諸膝退人若將隊諸淵毋爲戎首不亦善乎又何反服之禮之有

爲舊君爲去聲與音餘原音悉隊又作墜

穆公魯哀公之會孫名顯爲舊君反服見儀禮齊衰章孟子言三有禮則爲之服與此同意皆所以警時君而使盡禮於臣若爲臣則不得以此藉口戎首冠亂之首也

悼公之喪季昭子問於孟敬子曰爲君何食敬子曰食粥天下

之達禮也吾三臣者之不能居公室也四方莫不聞矣勉而爲
瘠則吾能毋乃使人疑夫不以情居瘠者乎哉我則食食

扶食

食上如字

下音嗣

鄭康成曰昭子季康子曾孫名張敬子武伯之子名捷三臣
仲孫叔孫季孫氏孔氏顓達曰敬子言我三家不能以臣禮
事君四方皆知勉強食粥爲毀瘠之貌我雖能之然豈不使
人疑我非真情毀瘠乎不若違禮食食也應氏鏞曰季孫之
問有君子補過之心而孟氏
之對可謂小人無忌憚矣

衛司徒敬子死子夏弔焉主人未小斂經而往子游弔焉主人
旣小斂子游出經反哭子夏曰聞之也與曰聞諸夫子主人未
改服則不經

司徒以官爲氏也士喪禮主人小斂改服
弔者乃改服故子夏非禮而子游中禮

曾子曰晏子可謂知禮也已恭敬之有焉有若曰晏子一狐裘三十年遺車一乘及墓而反國君七個遺車七乘大夫五個遺車五乘晏子焉知禮曾子曰國無道君子恥盈禮焉國奢則示之以儉國儉則示之以禮

乘去聲焉知焉於虔反

曾子以晏子恭儉為知禮而有若非之遺車之數各如其命數晏子上卿而用一乘太儉矣及墓而反鄭康成曰既窆則歸不留賓客有事也个謂所包遺奠牲醴之數雜記曰遺車視牢具曾子言時齊方奢矯之是也有子言其經曾子言其權

國昭子之母死問於子張曰葬及墓男子婦人安位子張曰司徒敬子之喪夫子相男子西鄉婦人東鄉曰噫毋曰我喪也斯沾爾尊之賓為賓焉主為主焉婦人從男子皆西鄉

相鄉並去聲毋音無

斯去聲

沾規同

鄭康成曰國昭子齊大夫也東鄉西鄉夾萊道爲位也斯盡也沾讀曰規視也國昭子自謂齊之大家有事人盡視之欲人觀之法其所爲也方氏慤曰禮之辨異尤重於男女之際雖喪紀憂違之中亦莫不各正其位故自始死以至於葬男子則西鄉而位乎東婦人則東鄉而位乎西昭子徒爲賓主之辨曾無男女之別其失禮不已甚乎

穆伯之喪敬姜晝哭文伯之喪晝夜哭孔子曰知禮矣文伯之喪敬姜據其牀而不哭曰昔者吾有斯子也吾以將爲賢人也吾未嘗以就公室今及其死也朋友諸臣未有出涕者而內人皆行哭失聲斯子也必多曠於禮矣夫

扶夫音

鄭康成曰喪夫不夜哭嫌私情勝也以爲賢人蓋見其有才藝未嘗就公室未嘗與到公室觀其行季氏魯之宗卿敬姜有會見之禮內人妻妾也

季康子之母死陳褻衣敬姜曰婦人不飾不敢見舅姑將有四
方之賓來褻衣何爲陳於斯命徹之

鄭康成曰敬姜康子從祖母御案上喪禮襲斂陳衣祿衣散
衣俱非上服此褻衣當在祿衣散衣之外禮所不當陳者故
敬姜
斥之

有子與子游立見孺子慕者有子謂子游曰予壹不知夫喪之
踊也予欲去之久矣情在於斯其是也夫子游曰禮有微情者
有以故與物者有直情而徑行者戎狄之道也禮道則不然人
喜則斯陶陶斯咏咏斯猶猶斯舞舞斯

蹈矣人
悲則

愠愠斯戚戚斯

歎歎斯辟辟斯踊矣品節斯斯之謂禮人死斯惡之矣無能也
斯倍之矣是故制絞衾設褻娶爲使人勿惡也始死脯醢之奠

將行遣而行之既葬而食之未有見其饗之者也自上世以來未之有舍也爲使人勿倍也故子之所刺於禮者亦非禮之皆也去上聲斟音招辟婢亦切樂音洛惡去聲絞音交羹音初爲去聲遣去聲食去聲舍上聲皆音疵劉氏敞曰舞斯二下脫蹈矣人悲則

五字當從之

孺子慕吳氏澄曰與前之孺子並同謂真情而無節文也壹與一同語辭也有子言欲去翫之節如此孺子慕者哀情在此卽是子游備舉制禮之意以曉之微殺也賢者恐其太過制禮節以殺其情不肖者恐其不及以喪故與起禮物以動其哀若直情而徑行乃夷狄之道也禮道則不然陶喜於心而未發猶身體動搖舞蹈則樂之極矣愠舍怒戚則憂深歎形於口辟拊心踊踴躍人之喜愠情本如是因而品節之以成禮人死易起人惡無能易忘倍聖人制禮殺哀以備尸葬娶以飾棺使人勿惡始死設脯醢之奠葬將行設遣奠而送之既葬反哭虞祭以食之雖未見死者親饗之然自古如此爲使人勿倍也故子之所議刺於禮者不足爲禮病也

吳侵陳斬祀殺厲師還出境陳行人儀使於師夫差謂大宰嚭
曰是夫也多言盍嘗問焉師必有名人之稱斯師也者則謂之
何行人儀曰古之侵伐者不斬祀不殺厲不獲二毛今斯師也
殺厲與其不謂之殺厲之師與曰反爾地歸爾子則謂之何曰
君王討敝邑之罪又矜而赦之師與有無名乎

還音旋大音泰
使去聲夫差夫

音扶是夫夫知字與音餘洪氏遺云大宰
嚭當作行人儀行人儀當作大宰嚭從之

鄭康成曰吳侵陳以魯哀公元年秋祀神位有屋樹者厲疾
病也大宰行人官名也夫差吳子光之子盍何不也嘗猶試
也夫差脩舊怨庶幾其師有善名也獲謂繫虜之二毛鬚髮
斑白止言殺厲重人也子謂所獲臣民吳氏澄曰夫差內行
惡事而外欲得善名陳行人名之以殺厲之師欲其恥而改
悔之吳太宰果有反地歸子之言行人乘其好名之心而甘
言誘勸之也

顏丁善居喪始死皇皇焉如有求而弗得及殯望望焉如有從而弗及既葬慨焉如其反而息

鄭康成曰顏丁魯人孔氏穎達曰皇皇猶彷徨如求物而不得望望如逐人後行而不及御案曰如其反而息作一句讀既葬而歸在途如望親之偕反不及其反而欲息以待之

子張問曰書云高宗不言言乃謹有諸仲尼曰胡爲其不然也古者天子崩王世子聽於冢三年

不言命令不自爲之非絕口不言也謹陳氏澠曰命令所布人心喜悅也古者天子德脩於身所任皆賢故居喪委政冢宰而已得盡其哀禮之誠天下亦享太平之福

知悼子卒未葬平公飲酒師曠李調侍鼓鐘杜蕢自外來聞鐘聲曰安在曰在寢杜蕢入寢厯階而升酌曰曠飲斯又酌曰調

飲斯又酌堂上北面坐飲之降趨而出平公呼而進之曰賁
者爾心或開予是以不與爾言爾飲曠何也曰子卯不樂知悼
子在堂斯其爲子卯也大矣曠也太師也不以詔是以飲之也
爾飲調何也曰調也君之褻臣也爲一飲一食忘君之疾是以
飲之也爾飲何也曰賁也宰夫也非刀匕是其又敢與知防是
以飲之也平公曰寡人亦有過焉酌而飲寡人杜賁洗而揚觶
公謂侍者曰如我死則必無廢斯爵也至於今旣畢獻斯揚觶

謂之杜舉

知去聲調如字賁音快伏去聲
樂如字共音供與去聲解音志

鄭康成曰知悼子晉大夫荀盈平公晉侯彪也杜賁三附皆
罰紂以甲子死樂以乙卯亡謂之疾日不舉樂爲古事以自
戒懼雜記曰君於卿大夫比葬不食肉比卒哭不舉樂是人
臣喪重於疾日太師典奏樂詔告也喪變也近臣當視君疾

憂爲一飲一食言調食飲食防禁放溢也平公聞義則服毋
廢斯爵欲後世以爲戒按揚解洗爵而揚之以致潔杜舉言
昔者杜預所舉也春秋左
傳昭公九年文與此小異

公叔文子卒其子戍請謚於君曰日月有時將葬矣請所以易
其名者君曰昔者衛國凶饑夫子爲粥與國之餓者是不亦惠
乎昔者衛國有難夫子以其死衛寡人不亦貞乎夫子聽衛國
之政修其班制以與四鄰交衛國之社稷不辱不亦文乎故謂
夫子貞惠文子

鄭康成曰文子衛獻公之孫名拔有時晉言有數也大夫士
三月而葬君靈公也衛國有難魯昭公二十年盜殺衛侯之
兄縶時齊豹作亂公如死鳥班制尊卑之差也孔氏穎達曰
謚法愛民好與曰惠外內用情曰貞道德博聞曰文按文子
以死衛君事不可考而春秋時尚無以二字謚者或衛君以
文識之而以貞惠縶之歟又按北宮喜衛衛君君謚之日貞

子亦非

文子

石駘仲卒無適子有庶子六人卜所以爲後者曰沐浴佩玉則
兆五人者皆沐浴佩玉石祁子曰孰有執親之喪而沐浴佩玉
者乎不沐浴佩玉石祁子兆衛人以龜爲有知也

駘音苦
適音的

鄭康成曰駘仲衛大夫石碓之族六人莫適立故卜爲後者
沐浴佩玉則兆繇辭也五人皆沐浴佩玉而石祁子獨否以
是知祁子之賢而立之故衛人以
龜爲有知也諡法治典不殺曰祁

陳子車死於衛其妻與其家大夫謀以殉葬定而后陳子亢至
以告曰夫子疾莫養於下請以殉葬子亢曰以殉葬非禮也雖
然則彼疾當養者孰若妻與宰得已則吾欲已不得已則吾欲
以二子首之爲之也於是弗果用

亢音剛
養去聲

鄭康成曰子車齊大夫子亢子車弟孔子弟子下謂
地下子亢度諫之不能止以斯言拒之已猶止也

子路曰傷哉貧也生無以爲養死無以爲禮也孔子曰啜菽飲
水盡其歡斯之謂孝斂首足形還葬而無椁稱其財斯之謂禮

養去聲還音旋

鄭康成曰還猶疾也謂不及其日月孔氏穎達曰啜菽以菽
爲粥而啜之飲水更無餘物也速葬無椁材但以衣冠斂首
及足形體不露陳氏祥道曰君子之於親養在志不在體葬
在誠不在物苟不養志雖三牲不足以爲孝不盡誠雖備物
不足以爲禮

衛獻公出奔反於衛及邾將班邑於從者而后入柳莊曰如皆
守社稷則孰執羈勒而從如皆從則孰守社稷君反其國而有
私也毋乃不可乎弗果班

從才用反羈音基勒音的

鄭康成曰獻公以晉襄公十四年出奔齊二十六年後歸於衛欲賞從者以懼居者柳莊言從守若一有私則生怨勒紉也方氏慤曰羈以絡馬勒以控馬從君而奔故以執鐙勒言之

衛有太史曰柳莊寢疾公曰若疾革雖當祭必告公再拜稽首請於尸曰有臣柳莊也者非寡人之臣社稷之臣也聞之死請往不釋服而往遂以禭之與之邑裴氏與縣潘氏書而納諸棺

曰世世萬子孫無變也

大音秦革本又作急禭音遂縣音元

陳氏滯曰以衣服贈死者曰禭裴縣潘二邑名莊之疾公嘗命其家若當疾革之時我雖在祭祀必告及其死也果言公祭時遂不釋祭服而往因釋以從之又賜之二邑此雖見尊賢之意然棄祭事而不終以諸侯之命服而禭大夫書封邑之券而納諸棺皆非禮也

陳乾昔寢疾屬其兄弟而命其子尊己曰如我死則必大爲我



棺使吾二婢子夾我陳乾昔死其子曰以殉葬非禮也況又同

棺乎弗果殺

乾音干
屬音燭

鄭康成曰婢子妾也尊己
不陷父於不義記者善之

仲遂卒於垂壬午猶繹萬入去齋仲尼曰非禮也卿卒不繹

釋音

亦去

上聲

仲遂魯莊公之子東門襄仲也垂魯地名祭之明日復祭而
實尸曰繹以志不忘遠忘之意仲遂為魯卿適值辛巳日正
祭卒禮不當繹猶繹非也知其不可而猶為之第於萬入之
時去籥公羊傳曰去其有聲者廢其無聲者也萬樂舞之總
名也

季康子之母死公輸若方小斂般請以機封將從之公肩假曰
不可夫魯有初公室視豐碑三家視桓楹般爾以人之母嘗巧

則豈不得以其母以嘗巧者乎則病者乎噫弗果從

殷音班封音安

鄭康成曰公輸若匠師力小言年尚幼未知禮也然謂下棺於椁般若之族多技巧者見若掌斂事而年尚幼請代之而欲嘗其技巧也初謂故事也豐碑新入木爲之形如石碑於椁前後四角樹之穿中間爲鹿盧下棺以繞緯天子六緯四碑前後各重鹿盧視豐碑者魯公室僭天子也諸侯下天子新之形如大楹耳四植謂之桓諸侯四緯二碑碑如桓矣大夫二緯二碑士二緯無碑按公肩假言魯有舊禮如此人母亦如己母般爾以人之母嘗巧則豈不可以其母而嘗其巧乎則大害禮而病心乎又嘆息之於是弗果從也

戰于郎公叔禺人遇負杖入保者息曰使之雖病也任之雖重也君子不能爲謀也士弗能死也不可我則旣言矣與其鄰重汪錡往皆死焉魯人欲勿殤重汪錡問於仲尼仲尼曰能執干戈以衛社稷雖勿殤也不亦可乎

禺音遇重通
童跖音紀

鄭康成曰卽魯近邑哀十一年齊國書帥師伐我是也魯人
昭公之子公叔務人卽公爲也魯人遇避齊師而入保城邑
者負其杖而息於途乃嘆之曰使民雖甚病也任民雖甚重
也然素無德惠君子不能爲之謀士不能爲之死此理之甚
不可者然我旣言人不能死則我當自盡也於是與其鄰童
正踰往門而皆死焉魯人以踰能死難欲以成人禮葬而孔
子善之也

子路去魯謂顏淵曰何以贈我曰吾聞之也去國則哭於墓而
后行反其國不哭展墓而入謂子路曰何以處我子路曰吾聞
之也過墓則式過祀則下

秦氏遵宗曰所哭之墓謂祖考之墓所過之墓祀則古帝三
聖賢忠臣孝子之墓祀及國家之正祀耳子路衛人而仕於
魯顏子述哭墓展墓之禮以慰其歸顏子魯人子路述式墓
下祀之禮以廣其敬方氏然曰凡物展之則可省而視故省
謂之展

工尹商陽與陳弃疾追吳師及之陳弃疾謂工尹商陽曰王事

也子手工而可句手弓句子射諸射之斃一人轅弓又及謂之

又斃二人每斃一人揜其目止其御曰朝不坐燕不與殺三人

亦足以反命矣孔子曰殺人之中又有禮焉射音石轅音暢朝音潮與去聲

鄭康成曰工尹楚官名弃疾楚公子魯昭公八年帥師滅陳縣之楚人善之因號焉至十二年楚子狩於州來使蕩侯潘

子等圍徐以懼吳於時有吳師商陽仁不忍殺人弃疾以王

事勸之斃仆也轅轅也轅弓不忍復射也揜其目不忍視之

也不生不與然則商陽與御者皆士也兵車參乘射者在左戈盾在右御在中央曰有禮善之也按家語亦載此事子路

曰人臣之節當君大事惟力所及死而後已夫子曰吾取其有不忍殺人之心而已

諸侯伐齊曹桓公卒於會諸侯請舍使之襲襄公朝於荊康王

卒荊人曰必請襲魯人曰非禮也荊人強之巫先拂柩荊人悔

之舍強並去聲

鄭康成曰魯成十三年曹伯廬卒于師廬諱宣言桓聲之誤也請舍以朋友有相啖食之道使之襲非也襲賤者之事朝荆在魯襄公二十八年康王楚子昭也請襲欲使襄公衣之巫祝桃茢君臨臣喪之禮孔氏穎達曰荆楚之本號至魯僖元年始稱楚楚人以襲禮最賤故強魯君行之而襄公則以人君之事臨荆荆人悔其自召辱也御案此時楚子已大斂入棺楚人欲使魯行最賤禮非真尚未襲而使魯君襲也

滕成公之喪使子叔敬叔弔進書子服惠伯爲介及郊爲懿伯之忌不入惠伯曰政也不可以叔父之私不將公事遂入

鄭康成曰成公喪在魯昭三年子服敬叔魯宣公弟叔肸之曾孫叔弓也進書奉君弔書也惠伯慶父元孫之子名椒介副也郊滕之近郊懿伯惠伯之叔父劉氏敬曰忌忌日也懿伯是敬叔從祖適及滕郊而遇此日故欲廢至次日乃入惠伯曉之曰公事有公利則無私忌而叔弓亦遂入焉

哀公使人弔黃尙遇諸道辟於路畫宮而受弔焉曾子曰黃尙
 不如杞梁之妻之知禮也齊莊公襲莒于奪杞梁死焉其妻迎
 其柩于路而哭之哀莊公使人弔之對曰君之臣不免於罪則
 將肆諸市朝而妻妾執君之臣免於罪則有先人之敝廬在君
 無所辱命

辟音避畫音獲奪當
 作隧肆音四朝音潮

哀公曾君辟於路畫宮闕除道路畫宮室之位也鄉康成曰
 魯襄二十三年齊侯襲莒杞殖華還載甲入且于之隧隧奪
 聲相近或為兌梁即殖也肆陳尸也大夫以上於朝士於市
 執拘也無所辱命辟不受弔也春秋傳曰齊侯弔諸其室
 孺子贖之喪哀公欲設撥問於有若曰其可也君之三臣
 猶設之顏柳曰天子龍輅而倬幃諸侯輅而設幃為榆沈故設
 撥三臣者廢輅而設撥竊禮之不中者也而君何學焉

顏吐孫
 反撥半

未反輜音道爲去聲沈音審中去聲

鄭康成曰輜魯哀公之少子三臣孟孫叔孫季孫氏猶尚也有若以臣況子也輜殯車也天子畫輶爲龍轎覆也殯以梓覆棺而塗之所謂葭塗龍輶以梓也諸侯輶不畫龍爲榆沈以水澆榆白皮之汁以播地於引輶滑也廢去也方氏慤曰爲輶之重也故爲榆沈以滑之欲榆沈之散也故設撥以發乙撥以手撥榆沈而灑於道也無輶則無所用沈無所用沈則無所用撥三臣既知輶之可廢而不知撥之不必設是竊禮之不中者也

悼公之母死哀公爲之齊衰有若曰爲妾齊衰禮與公曰吾得

已乎哉魯人以妻我

爲去聲齊音咨衰七回反與音餘

陳氏澣曰以妻我以爲我妻孔氏穎達曰天子諸侯絕旁期於妾無服惟大夫爲貴妾視素氏繼宗曰哀公欲以尊寵其所愛而不虞卑其身與辱其宗廟有若議之猶爲此文過之辭則其失國非不幸也

季子皋葬其妻犯人之禾申胥以告曰請庚之子皋曰孟氏不

以是罪于朋友不以是弃予以吾爲邑長於斯也買道而葬後難爲繼也

鄭康成曰季子皋孔子弟子高柴孟氏成邑宰或氏季犯蹶也申祥子張子庚償也御案曰爲政在大體不在小惠若一犯禾而必償之是照照之仁也且使民將責償於君亦傷忠敬之俗子路治蒲壺漿施德夫子責之孔子之馬傷禾使子貢辭焉亦不償也不償也

仕而未有祿者君有饋焉曰獻使焉曰寡君違而君薨弗爲服也

李氏格非曰廩人繼粟庖人繼肉不以官定食所謂仕而未有祿者也賓之故有獻而無賜不臣故有聘而無召蓋不如是不足與有爲也陳氏祥道曰違而君薨弗服則在國而君薨爲之服矣

虞而立尸有几筵卒哭而諱生事畢而鬼事始已旣卒哭宰夫

執木鐸以命于宮曰舍故而諱新自寢門至于庫門

舍音捨

孔氏穎達曰未葬猶生事之故未有尸既葬則親形已藏故立尸以繫孝子之心未葬殯宮雖有脯醢之奠不立几筵至虞祭更立几筵此士大夫禮若天子諸侯則葬前有几筵避其名鬼事以鬼神事之已語辭陳氏澠曰周禮大喪小喪宰夫掌其戒令故卒哭後使宰夫執木鐸以令於宮使之舍舊諱而諱新死者之名以其親盡故可不諱孔氏曰自寢門路門至於庫門百官及宗廟所在之次咸使知之也庫門魯之外門也若天子則至皋門也諸侯三門庫雉路無皋應

二名不偏諱夫子之母名徵在言在不稱徵言徵不稱在

陳氏澠曰二名

二字爲名也

軍有憂則素服哭于庫門之外赴車不載囊韋

囊音高韋去聲

鄭康成曰憂謂爲敵所敗也素服編冠也赴謂還告於國囊甲衣韋弓衣孔氏穎達曰但露載其甲弓不以囊韋最之示

當報也

有焚其先人之室則三日哭故曰新宮火亦三日哭

焚室而哭哀其不能保先人之居春秋魯成公三年新宮災新宮宣宮也左傳曰人火曰火天火曰災春秋爲內諱故云災其實人火也三日哭公羊穀梁皆以爲得禮

孔子過泰山側有婦人哭于墓者而哀夫子式而聽之使子路問之曰子之哭也壹似重有憂者而曰然昔者吾舅死於虎吾夫又死焉今吾子又死焉夫子曰何爲不去也曰無苛政夫子曰小子識之苛政猛於虎也

重去聲
識音志

鄭康成曰夫子怪其哀甚故式而聽之而猶乃也夫之父曰舅孔氏穎達曰苛政嚴於猛虎壹者決定之辭

魯人有周豐也者哀公執摯請見之而曰不可公曰我其已夫使人問焉曰有虞氏未施信於民而民信之夏后氏未施敬於

民而民敬之何施而得斯於民也對曰墟墓之間未施哀於民而民哀社稷宗廟之中未施敬於民而民敬殷人作誓而民始畔周人作會而民始疑苟無禮義忠信誠懇之心以涖之雖固結之民其不解乎

擊音志夫音符涖音利解佳買反

執摯請見下賢之禮已止也不再請見而但使人問之也舊居毀敗之地曰墟哀公問古之民信敬其上非有所要結而何以然周豐言民心哀敬出於自然但無禮義忠信誠懇之心以臨之雖要結而不可得若殷周之末以誓會爲重而民始生疑畔正以其無本而從事末也

喪不慮居毀不危身喪不慮居爲無廟也毀不危身爲無後也

爲去聲

黃氏震曰不慮居謂以廟爲慮不以居室爲慮不危身不敢以死傷生恐親之無後

延陵季子適齊於其反也其長子死葬於贏博之間孔子曰延陵季子吳之習於禮者也往而觀其葬焉其坎深不至於泉其斂以時服既葬而封廣輪揜坎其高可隱也既封左袒右還其封且號者三曰骨肉歸復于土命也若魂氣則無不之也無不之也而遂行孔子曰延陵季子之於禮也其合矣乎

長去聲贏音盈深去

聲封如字廣隱並去聲還與環同號平聲

吳季子名札居延陵因號焉贏博齊地鄭康成曰今泰山縣也不至泉不至太深以時服不至太厚廣輪猶橫縱縱橫相稱揜坎而爲墳可以隱身而止不至太高也喪事袒右而袒左漸變吉也環其封而號之者三匝欲其魂氣依己而歸也人之生也受氣於天成形於地故性秉乾而命秉坤死則歸其骨肉於土命之所歸故曰命也若魂氣則受天之陽以生得其正而全歸者可以無所不之季子蓋祝其子以生之正也若中庸言天命之謂性又據天之所以主宰此理者言與

此微異季子所爲不盡拘於禮而合禮故夫子善之而以疑辭出之

邾婁考公之喪徐君使容居來弔含曰寡君使容居坐含進侯玉其使容居以含有司曰諸侯之來辱敝邑者易則易于則于易于雜者未之有也容居對曰容居聞之事君不敢忘其君亦不敢遺其祖昔我先君駒王西討濟於河無所不用斯言也容居魯人也不敢忘其祖

婁音蘭含使並去聲

鄭康成曰考公隱公之曾孫弔含弔且含也含不使賤者君行則親含大夫歸含耳容居欲親含非也坐跪也徐自擬天子以邾爲己之諸侯故云進侯王也其使容居以含自言專爲含而使己欲強自進含也易簡易于迂遠意有司不便斥其僭妄佞言其托於天子爲于欲自進含爲易而容居不知其失猶復援其祖制謂自來如是則妄甚矣按春秋魯昭公三十年吳滅徐徐子章羽奔楚楚城夷使徐子處之久已失國安得更如此僭妄故鄭康成以爲考公當是定公也

子思之母死於衛赴於子思子思哭於廟門人至曰庶氏之母死何爲哭於孔氏之廟乎子思曰吾過矣吾過矣遂哭於他室

母庶母也子思嘗仕衛或其庶母本衛人留衛而卒故門人以爲庶氏之母不宜哭於祖廟也他室異室

天子崩三日祝先服五日官長服七日國中男女服三月天下服虞人致百祀之木可以爲棺槨者斬之不至者廢其祀勿其

人

鄭康成曰祝佐含斂故先服官長大夫士國中男女庶人也愚按此亦以其遠近極言之致百祀之木不取諸民而就百祀之木可以爲棺槨者斬之非盡百祀而取之也不至者謂法當奔喪而不至者則減其國以廢其祀並刳其人也

齊大饑黔敖爲食於路以待餓者而食之有餓者蒙袂輯屨貿貿然來黔敖左奉食右執飲曰嗟來食揚其目而視之曰子惟

不食嗟來之食以至於斯也從而謝焉終不食而死曾子聞之

曰微與其嗟也可去其謝也可食

食之食音嗣餘並如字輯音集賢音茂奉上聲與平聲

方氏慙曰饑主歲言之饑主人言之陳氏澍曰衆袂以袂衆面輯履輯斂其足言困憊而行蹇也質質昏餓之貌嗟來食憫嘆之使來食從就也微與猶言細故嗟來之言雖不敬然非大過故其嗟可去而謝焉則可食矣

邾婁定公之時有弑其父者有司以告公瞿然失席曰是寡人

之罪也曰寡人嘗學斷斯獄矣臣弑君凡在官者殺無赦子弑

父凡在官者殺無赦殺其人壞其室滂其宮而豬焉蓋君踰月

而後舉爵

瞿音羈斷丁玩反壞音怪滂音烏

鄭康成曰定公纁目也民之無禮不教之罪故曰寡人之罪陳氏澍曰瞿然驚怪之貌在官者諸臣在官者家人也天下之惡無大於此者是以人皆得而誅之惟父有此罪則子不可討之也君不舉爵以人倫大變教化不明所致故傷悼而

自貶孔氏穎達
曰豬水聚之名

晉獻文子成室晉大夫發焉張老曰美哉輪焉美哉奐焉歌於
斯哭於斯聚國族於斯文子曰武也得歌於斯哭於斯聚國族
於斯是全要領以從先大夫於九京也北面再拜稽首君子謂
之善頌善

壽要平聲京
古原字

獻賀也發爲賀辭以落成之輪輪困言高大奐同煥言煥爛
歌哭聚國族於此言久居也文子申其意而自幸無罪以承
先人張老之頌無浮諛文
子自禱無奢願故曰善也

仲尼之畜狗死使子貢埋之曰吾聞之也敝帷不棄爲埋馬也
敝蓋不棄爲埋狗也丘也貧無蓋於其封也亦予之席毋使其
首陷焉路馬死埋之以帷

畜許六切爲去聲
封音寔予上聲

鄭康成曰畜狗馴守路馬君所乘者其他狗馬不能以帷蓋
陳氏澠曰狗馬有力於人故特示恩路馬以帷不用做轡也
季孫之母死哀公弔焉會子與子貢弔焉閹人爲君在弗內也
會子與子貢入於其廐而脩容焉子貢先入閹人曰鄉者已告
矣會子後入閹人辟之涉內霑卿大夫皆辟位公降一等而揖
之君子言之曰盡飾之道斯其行者遠矣爲鄉並去聲內入聲辟音避
此記會子子貢之事以嘆當時文飾之風也閹人守門者孔氏穎達曰弔有常服而云盡飾者謂更服新衣是也會子子貢未從大夫之列當其始至閹人易而拒之及二子更服新玄脩容閹人卽內之鄉者已告下其辭也避之則彌敬矣內
閹門屋後簷卿大夫避中庭少近東耳降等揖甚禮之君子當時所謂君子二子素有賢名君與卿大夫皆知之而閹人不知故其始入而弗內繼則見禮貌而敬之當時君子亦不揣其本以爲盡飾之道可以行達記者記此議之也

陽門之介夫死司城子罕入而哭之哀晉人之覘宋者反報於

晉侯曰陽門之介夫死而子罕哭之哀而民說殆不可伐也孔

子聞之曰善哉覘國乎詩云凡民有喪扶服救之雖微晉而已

天下其孰能當之說音悅扶服同匍匐

鄭康成曰陽門宋國門名介夫甲衛士宋以武公諱司空爲司城子罕戴公子樂甫術之後樂喜也覘窺視也按介夫蓋有勞者故子罕哭之哀適晉人使人覘宋見其事而知其能得士心以爲不可伐孔子善之引詩言卽此哀死之念推之可以仁民不特無晉寇而已卽天下孰能當愛民者以勸當時也

魯莊公之喪既葬而經不入庫門士大夫既卒哭麻不入

莊公薨世子般卽位公子慶父弑之而立閔公公時年八歲既葬卽除服故經不入庫門庫門近外第一門也士大夫則卒哭而除麻猶經也記慶父惡逆廢禮之事

孔子之故人曰原壤其母死夫子助之沐槨原壤登木曰久矣

予之不託於音也歌曰鯉首之斑然執女手之卷然夫子爲弗聞也者而過之從者曰子未可以已乎夫子曰丘聞之親者毋失其爲親也故者毋失其爲故也

卷平聲從去聲

鄭康成曰沐浴也木梓材託寄也爲弗聞也而過作爲不知也已止也劉氏曰鯉首之斑言木文之華執女手之卷言木文之滑膩從者疑夫子當絕交夫子言爲親故者雖有非禮未可遽失其親故之情也此聖人隱惡全交之意

趙文子與叔譽觀乎九原文子曰死者如可作也吾誰與歸叔譽曰其陽處父乎文子曰行并植於晉國不沒其身其知不足稱也其舅犯乎文子曰見利不顧其君其仁不足稱也我則隨武子乎利其君不忘其身謀其身不遺其友晉人謂文子知人文子其中退然如不勝衣其言訥訥然如不出諸其口所舉於

晉國管庫之士七十有餘家生不交利死不屬其子焉

處上聲并知為

並去聲勝平聲咄如劣切屬音燭

文子晉大夫名武叔譽據韓詩外傳即叔向也陽處父晉襄公之傅并專植直沒終也謂專直自用後為孤射姑所殺事見春秋左傳舅犯從文公公反國至河要文公與之盟而後入事亦見左傳故曰見利不顧其君武子士會也食邑於隨氏范字季有利於君而未嘗失己自謀其身而未嘗遺友晉人以文子為能知人矣中身也不勝衣卑退之貌咄咄如不出諸口慎言也管鑊也庫物所藏管庫賤職舉舉以為大夫士不交利屬子承上二句言於所舉之士不與之交利死屬其子言不市恩而私己也

叔仲皮學子柳叔仲皮死其妻魯人也衣衰而繆經叔仲衍以告請總衰而環經曰昔者吾喪姑姊妹亦如斯未吾禁也退使

其妻總衰而環經

學如字衣去聲穆鄭康成作穆總音歲喪如字

叔仲皮叔孫惠伯彭之子始爲叔仲氏子柳蓋滑柳衰齊衰
繆經首經兩股相交也孔氏穎達曰五服之經皆然惟弔服
環經一股不繆衍蓋皮兄弟叔仲皮學於子柳皮死其妻魯
國之人亦知禮爲皮所齊衰而繆經叔仲行以爲子柳之教
也故告於子柳請總衰而環經且言其昔喪姑姑姊妹亦如斯
無人禁也子柳未許之而叔仲皮妻亦不之從也衍退自使
其妻總衰而環經夫妻爲夫服與喪姑姑姊妹異而兄弟之妻
爲夫兄弟服亦異今衍復以總衰環經悖禮殊甚記此以明
禮失由
狂夫也

成人有其兄死而不爲衰者聞子皋將爲成宰遂爲衰成人曰
蠶則績而蟹有匡范則冠而蟬有綏兄則死而子皋爲之衰

追切

成晉孟氏邑匡蟹背殼以匡范蟬也績絲必盛於匡而蟹之
匡則非爲蠶之績也飾冠必資於綏而蟬之綏則非爲范之
冠也以喻兄死者之爲衰不爲兄而爲子皋蓋讓服衰者之
不讓而賢子皋之能化民也

樂正子春之母死五日而不食曰吾悔之自吾母而不得吾情

吾惡乎用吾情

惡音烏

情實也禮不食三日子春勉至五日既而悔其過禮之不誠反不若由禮之誠也是亦善補過者矣

歲旱穆公召縣子而問然曰天久不雨吾欲暴尫而奚若曰天則不雨而暴人之疾子虐毋乃不可與然則吾欲暴巫而奚若曰天則不雨而望之愚婦人於以求之母乃已疎乎徙市則奚若曰天子崩巷市七日諸侯薨巷市三日爲之徙市不亦可乎

罕音汗野音慈暴步卜反

進音汪與平聲爲去聲

尫錙疾巫能接神暴之皆欲天哀之而雨也孔氏穎達曰楚語觀射父曰民之精爽不攝貳者明神降之在女曰巫在男曰覡此云愚婦人據末世之巫言也鄭康成曰徙市者庶人居喪之禮行居喪之禮以自責可者僅可之辭也陳氏祥道

曰先王之於旱也內則責諸已外則求諸神

孔子曰衛人之耐也離之魯人之耐也合之善夫

耐音附夫音扶

鄭康成曰耐即合葬也離之有以間其椁中善夫善魯人也耐葬當合朱子曰古者椁合衆材爲之故大小隨人所爲今用全木難得大木故合葬者只同穴而各用椁也